





















枝巢子落

28書叢學文純

往, 夢。 注。 勞 寐 摧 , 懷哉舊京 及今所述 時獲逸聞 空桑三宿 耽吟嫌苦 名業未立 鷦巢既營 余以戊戌・通籍京朝。日月不居・忽逾 。薦紳羞言 ,已爲陳迹 ,尚復有情 0 。華銓照夕,明鏡窺晨 。歲月滋多 ,兇裘將老。端居鮮事 出畏風日 :。夢華 · 胸臆逐積 0 ,臥損骨骼 是日瑣記。若其大者 告諸後生 一篇 。謂可: 0 , ,况乃異代 ,何以送日 或疑誑汝 重以改革 小人閒居 以已 一世。滄桑數變 9 ,有史官在。 9 暇則越錄 君子所惜 凡百變更 不爲無益 復何言哉 初爲卑官 !廻憶年時 ,逢此百憂 ,多習鄙事 都爲一集 公羊三世 著之簡篇 越吟未忘 奚遣有涯 · 類分十 。鬢髮已 北籍將 隍鹿 鐘 不 如隔 檢書懼 一種已 棄長 夢

舊

京

瑣

記引

泱泱 第六 徵, 市 再絕 夷雜 清流 懲 往合古,是日 。不龜手藥,千金可致。歌管沸天 9 0 宮禁 大邦 乃其 植黨 糅 以告後世 美惡 0 陳詩觀風 9 學史十七 天祿永終 , 論 ,自遼 流弊,才智 事 並 ,末乃市肆。一蟹不 者 秘 録 H] 所惜 9 9 師 建都 敦明虞際 入國問俗。 ,泰半女戎。不在顓臾,蕭廧自封 。其尤雅者,或入於詩 。然亦燦然,賢於廢棄 記宮閣第四 記習尚第 1並錮 記時變第七。銅狄 。阿房蕪 。與謂 0 世俗所傳,多出懸臆 楚戦 城 如,彼貊亦是。孰爲老成 0 0 求賢, 寗去付縛 南北 五帝弗沿 所臨 ,覽者鑑諸 ,周閣 殊 ,政教斯出 坐移 音 ,非變則侯。車書旣 , 三王不製。 撲地。君子於此 ,金仙淚枯 記語言第二。名士談兵,終以兒戲 記儀制 。絙 記城廂 。紂之不善 。末習虚偽 。宵小搆之,禍 絕紐解·亦遂不國 第五 叔通: 第八 0 ,寗不殄瘁 腹 0 『,或不 痛 修儀 ,可以覘世 0 ,初乃湻 英雄 争名於朝 西州 一,言亦 , 入彀 亂 始 如是 9 感逝 是叢 自 朴 , 綿 宜之。 9 記 0 黄 記考試 書其 爭利於 雄 0 蕝 朝 匪 記市 威 主所 壚 日勸 華 流 可 第

<sup>融第九。</sup>北地胭脂,南都黛螺。燕蘭史散,板橋記訛。今我不樂,對酒當歌。張

書京瑣記引

舊 京 瑣 記

、是編所記,不免謬誤。或當日聞焉弗詳,見焉弗審。嚮壁虛構,則非所敢。 、是編僅就一時記憶所及,筆之於書。他日復有所憶,或更爲續記

、所記斷自滯同光以來,其非見聞所及者,有昔賢之紀錄在,寗闕焉。若徵引 舊聞 ,不在此例

、是編名曰舊京,應至清末而止。新代逸聞,自有大手筆在,弗羼入也 。其中稱謂 或或

、是編多昔年朋談燕罷,篝燈所錄 取法於民國所修之淸史稿,或比儗於花村看行侍者之談往。春雜之譏,所不 ,時代不同,近南次而成篇

能免 磴

凡

書 京 瑣 記

流,亦取其無關宏旨者。

、是編所記,特刺取瑣聞逸事,里巷俳談,爲茶餘酒後遭悶之助,間及時政朝

目錄

目

舊 京 瑣 記

## 卷一 習 尚

辈, 不屈不撓,勇於赴義 其接子弟後進,禮侶而詞直,貌嚴而情親,尚不失先民矩範,迨末季漸澆溉 都人習見官儀,多講禮貌,周旋應對,往往中程,然其弊也偽。風氣剛勁 , 重名知恥,然其弊也狠。顧本性多近質實 ,常見故家老

耳。

妹, 至 ,無不見家人者 固夙所未知也。 婦女見客,匪特旗族爲然,土著亦有之。門生謁師,固無不見師母者 0 然一片嚶嚀問好之聲,推本身以及南中之家人,一 余初北來,詣一遠戚,乃其家閨中之人咸集,若者於姨 I。親戚 都 好姊 遍

實則余家人,固夢寐中不知有此戚也。彼輩亦不知余家究有何人,特臆想而遍詢

習尚

存

兄。」又有 非趙ol 之,謂匪 初會者 「然則 是弗親 耳 錢 , 見面極親,問其尊親好,自家人以逮鷄犬,終則曰:『貴姓?』 0 0 昔見笑劇,有不相識之人,乍見而呼曰:『趙 日: 「無錢。」 日 : 『若是 ・則孫三爺。」 日 0 : 答曰 『余無弟

殆此禮作俑歟

Ý

堅約來日一飲 交際場中 ,亦多虛偽之風。昔於筵中晤一人,談悉爲世交。彼則 。旣而曰: 『明日有內廷差 9 後日如何?』方遜謝 9 彼已 極意周 〕呼筆書 旋

得暇 東,議地議菜, 碌亂不已。 席將終,彼忽拍膝曰: 『後日有家祭,奈何?』 解曰:『相見正長 「再趨擾耳。』後終不晤。友人云:『彼之延飮 ,何必亟亟。」 余惡其擾 ,亦謝曰: 9 面子也。君應遜謝 『此月中鄙人方有俗冗 ,亦面 他客爲 子

也。 君竟不堅辭 貴族之家 ,文勝於情 ,彼祗有自覓臺階以下耳。

恭具冠服,童僕持禮品先之。至夫人許,高唱曰:『老爺來拜壽,夫人出迎。』 几 弟跪於前,兄微引手而已。夫妻間禮貌亦隆 。新婦問安視饍 · 但有侍立 。昔聞溥仲露尚書於其夫 妾腰亦然 o 命 人生辰 44 但有矮

٥

互請 安道謝 ,肅坐進茗,寒暄而退。 尚書生日 ,夫人禮亦如之。遇年節亦然

樣 ,平民 親 臧 之通 獲而 遠骨肉 病也。 至於好俠尚義, 9 講過節而 無眞 急人之急如其私 意 , 舊家之通病也 9 轉在社會中之卑賤者 ٥ 樂與仕宦交 , 好 習官 9 其

殆古燕趙之遺風

| 敷?

汗相 之中 也, 屬 頂 按時必至 遊 , 9 大抵四 各有 覽 ,婦女尤甚 會 ٥ 春 時 0 有會 植旛 初 , 則出郊外, 。正月最繁 9 8 使叉 每月有會。 , 秧歌 日看青 ,所謂六部燈也,廠甸 會則攤肆紛陳 • · 花鼓 0 六月 0 演 者率爲子弟 9 則 9 南薰門外之南頂 士女競集 也 9 9 觀者 9 火神廟 謂之好遊蕩 奔波 9 0 遠來 永定門外 白 雲 旧 9 揮 觀

時過 娴 則 惰之習 自窗 遞 , 入 亦 所 0 人家 不免 婦 0 順 女 , 天府志 匪特不操中饋 謂:民家開 9 窗 亦往往終日不下炕 面街 9 炕在 窗 下 0 。今過城 市 食 物 《中曲 者 以

謂之昇平景象亦可

0

,此制猶有存者。熟食之叫賣,亦如故。

巷

貴家子弟

習

尙

馳 馬試箭 ,調鷹縱犬,不失尙武之風。至於養魚鬪蟀,走票糾賭 9

售

殿売、鶴鵰之類 風斯下矣。別有 坊曲 9 調護珍惜 游手,提籠 ,諡爲鳥奴 梁鳥,抛石擲彈,以爲常課。鳥則有 0 玩日惕月 ,並成廢棄 ,風 尚之最惡 紅殿壳 者 、藍

皆往 舉, 招親 焉。 四時 多至**,**滿人必祭堂子, 之禮 友會食於庭,曰喫克食,必盡爲度。漢人則否 ,多重報本,而迷信亦甚。 植竿於庭而燎祭焉 清明 、中元與十月一日 。稍有力者, 0 立春日 必用全豬羊 , 各按年歲之 必掃 墓 男婦 。祭

多少,捻紙浸油燃之,曰順星。 正月之燈 ,向集於前門內之六部,曰六部燈,以工部爲最 新年旣過 ,則具酒肉而加餐焉 0 有冰 日添倉 燈 鏤 冰 爲

9

種姿式 之,飛走百態,窮極工巧。亦扮雜戲,有役閻姓者 ,呼之爲 閻 判 哈亦黃胖、游春之遺歟。庚子亂後遂廢。 ,能演判官 燈市舊集於東西 立獨杠 E 爲 種

四牌樓,後始移廊房頭條

燃之,密如繁星 中元亦有燈 ,燦如火樹,謂之蒿子燈,昔人有作蒿燈曲者。里巷小兒百十爲 ,多作蓮花形,或摺爲蓮瓣,集成禽鳥狀。或采互蒿,懸香於上

起豐 場則門懸紅彩 。養蟲之盆 鬪蟋蟀場多在順治門外。 飼蟲者 ・車馬咸集・上流人士・往往與焉 ,有一枚值百十金者 ,亦謂之把式。水食調養,各有師傳 9 以趙子玉所作爲最良 0 勝負之數頗鉅 ,蓋乾嘉 鳴驚人 時 人也 , 受酬 0 開

飲食以羊爲主,豕佐之,魚又次焉。八九月間,正陽樓之烤羊肉 ,都人恆重

也。 見一人食肉至三十餘拌,拌各肉四兩。飲白酒至二十餘瓶 亦有姿式,一足立地,一足踞小木几,持箸燎肉 視之。熾炭於盆 水鮮惟大頭魚、 黃魚上市時一食之,蟹亦然。如食某魚時 ,以鐵絲罩覆之,切肉之薄,蘸鹽醬而 • 傍列酒尊 災於火, 瓶 , 且 亦 其馨 9 四 炙 兩 且 則學家以此爲 一啖且 四溢 0 其 飲 量 可驚 食內 0 常

食, **巨家或至論擔** ,但食此一種,不須他饌,亦不須麵或餅

則 經蒸變 飯以 麵爲主體 ,即成紅色,如蘇州之多和然,煮之無稠質,病者爲宜 ,而米佐之。本京人多喜食倉米,亦謂之老米 。蓋南漕

蔬果之屬,以先時或非時爲貴。香椿、雲豆、菱、藕之類,皆是也。 有所謂

褶

尙

首,或值 盤之價 洞子貨者 至數十金・幾致破產 9 二金 蓋於花洞 D 戚家蔣 中 9 熏培而 氏 · 昔 爲 御 出 至今人呼日 果商 生脆芳甘, 9 「王瓜蔣」 方其盛時 其價尤鉅。 云 9 以王瓜作饋歲之品 王瓜一莖 5 食於歲

9

0

仕 滿人多著之。半背曰坎肩,其前襟横作一字式者,曰軍機坎。亦有用鄭鹿 江綢 袍 重 跑 貴不斷、 官平居多著靴 9 ,淺色不耐旐也。非京式者,謂之怯。近奇邪者,謂之匪。人皆非笑之。 ,間用 多用樂亭所織之細布,亦曰對兒布。堅緻細密,一襲可 便帽口秋帽 衣著之宜 軍機六折。大抵滿官研究衣著,每解衣,則零星佩飾,攤滿 江山萬代之類。馬褂長袖者曰臥龍袋。有中作半背形,而兩袖 庫 緞 , 0 。文錦記者,良綢皆團花,初用 ,嫌其底重,乃以通草製之,亦曰篆底。後乃改爲薄底 舊家必衷禮法 以皮爲沿者,曰困秋。中淺而缺者,曰兎窩 ,謂之款式 ,亦曰 暗龍,後乃改用拱璧、漢瓦 [ 得樣 。大抵色取其深 衣數歲 。軟胎可摺叠入懷 。外掛則 一案。漢官則 ,日軍 異 皮者 色者 以塵 士夫長 多爲 、富

否。

地氣 致。 齡 9 後乃 寒也 即以青藍紫醬爲正宗矣。衫袖腋窄而中寬 嬵 女衣 、慕南' 9 其帶 裙顏色以年歲爲準 大 則平金繡 而易之,則又緊抱腕 花 9 争奇門 ٥ 金繡淺色之衣 癃 臂 9 0 棉袴則 至於不能屈伸 , , 秋 謂之魚肚袖。行時飄曳 唯新嫁娘或閨秀服之。 深已著 ٥ 旗漢裝無不綁腿 • 春盡 始 去 殊 , 損 者 過妙 亦有 嬝 , 以 娜

之致。庚子後漸同南化,然本質不易也。

車 車 車 īfii 京 輪 , 行 , 語 舊 亦 尋常仕官乘之。 0 貴官乘之 出 B 本 有 則御 乘 地 別 百 坐 9 伏 者二, , 日 0 皆騾 地 Ш 京堂以上 西 |較者 不 車 日 9 跨轅 站 本 也 地仿 口 0 (京語 車 制分多種 , , 障泥 西 步行於兩 9 陳 輸 呼 用 輪 於 爲 之 市 紅 9 Ė 旁 最重者府第之車 較 , 9 唯 以待 日 9 健 紅 無 9 來自晉 [僱者 拖 齒 步若飛,名之曰 泥 0 日 0 9 | 夯較 日 自餘皆綠色油 9 輪皆· N ,到門而卸 者 海 有 車 9 雙飛 斯 磁 9 沿途 下 0 布 矣 日 燕 , 以 伏 招 圍之。 0 次日 小 地 攬 童 西 坐 日官 大鞍 較 客 推之 者

南向 京師 9 廊 必深 屋制 之美備 ,院必廣 , 甲 ,正屋必有後窗,故深殿而 於四方 0 以研 究數 白 年 , 軒朗 因 地 因 。大家入門, 時 9 皆有 格 卽 局 示露行 也 ٥ 戶必

鸖

尙

氣。 以廊多於屋也。夏日 院廣 以便搭棚, 人家有喜慶事,賓客皆集於棚下。 ,窗以綠色冷布糊之·內施以捲窗 正房必有附室, , 畫捲而 夜垂 , 日 以通空 套問

亦曰耳房 ,以爲休息及儲藏之所 。夏凉多燠 ,四時皆宜者是矣

室,萃而羣居 入,或識文字 中下之戶曰四合房,三合房。 , ,口角奸盜之事出焉 或擅口才,若領袖然。 貧窮編戶 。然亦有相安者 至於共處既久 ,有所謂雜院者,一院之中,家占一 , ,疾病相扶 則必有一人焉 ,患難相救 或最 先居 雖

家人不啻也。

京人買房宅, 向日租房招帖 取租以爲食者,謂之「喫瓦片」 ,必附其下曰 「貴旗、貴敎、 貴天津免問」 。販書畫碑帖者, 。蓋當時津人在 謂之「 喫軟

京者,獨不若近時之高

尚

,而旗籍回教,則

人多有畏之者

以長子孫 都 中土著,在士族工商而外,有數種人 0 其原貫以浙紹爲多, 率擁厚資 , 起居 ,皆食於官者。日 甚侈。夏必涼棚,院 l 審吏, 世世 必列 磁 相 缸 襲 以

養文魚,排巨盆以栽石榴。無子弟讀書,亦必延一西席,以示闊綽。譏者爲之聯

八

分, 倉老鼠 搶庫 云: 盗多致鉅 日 T 天 會 0 0 棚魚 館 ---故出入 富 役身後 9 亦子 每歲 缸 石榴 恆以多人護焉 孫 挑 9 往往 相襲 庫丁 樹 , 吉 數 先 時 0 自 生肥狗胖丫頭 , 各 千人 行賄之數 , 此辈 密 裁 0 書 鼠雀之耗 謂之保庫丁 吏 可 , 鷩 6 銀行代金庫 0 然恆 其習然也。 9 FJ 。日吃 知矣 爲匪 徒搶綁 倉 9 ٥ 南 日 日 9 漕 長 又謂之倉 庫丁 絕 班 9 勒贖 迹 ,有二 9 役於戶部 9 科 匪 鉅 擧 類 資 , 旣 或 謂之 謂 日 9 科 侵

迄庖 或家 茶奔走 有老 帶子 親 會 ,月納 9 背會 者 員 微資 9 也 社 會互 0 9 猝 人各骤 一助之 有 死亡 良法 白帶 ,報之於會 也 0 9 入 故 日 會 帶子 者 9 則 , 率 會 殮 爲 事 二業平1 畢 備 0 至 民 於鼓樂棚 0 或 自 顧 槓 衰 老 以

此輩

皆失所

,

惟會館

之長

班

狗

在

有夫婦 充之。不僅 日窩窩 窩窩 共一袴者 赈 頭 頭 會 饑 0 , 此 , 兼籌 者 每及多令, 會 專 9 禦寒 爲 始於 救濟貧民 清末 ٥ 凍餒途斃 改 革後 9 慈善團體 9 故以 ,故家 ,無日無之,皆得於會中之報告。 名 失業 之一 焉 0 也 集資於衆 9 貧況 • 京 師 可 駭 , 貧 不 民 9 有綴 足 9 搏黍 9 報 則 紙 演 屑 爲 義 故侯拉 衣 汯 務 者 戲 而 以 食

尙

鸖

九

舊

車 2 **猶爲有力,** 可慨矣

設爲賭局 裝飾 ,誘騙 婦女, 愚儒,謂之「腥賭」。代接婦女,秘密賣淫,謂之「轉當局」 聘賣於異鄉人,乘隙捲而颺焉,謂之「放鷹」,亦曰 「打虎」 ٥

引誘富家子弟遊蕩、嫖賭・以博其資・謂之「架秧子」 以子息艱難,恐難長養,而購一貧家兒,令其爲僧者,謂之「替身」 富貴人家多信佛,故僧道之地位甚高。子弟往往拜僧爲師,求其保護。甚有 。皆社會不良之風俗 。他日被替

之子長成、此替身僧人、若其弟兄然、舉家敬禮之。

他處僧人,即有冶遊,亦須秘密。都下僧人,則公然行之,曾無媿色。

弗怪

也。又有蒙古大夫者,尤可危 疾病療治,多信針灸。醫生識字者少,溫證之溫 , 皆書作瘟疫之瘟

者,名曰按摩,又名曰摧膊。有箍桶劉者,最有名 針灸無良師 ,每以待詔行之·亦有得秘傳者 往往而驗。 此外又有業傷科 六,讀如溜;姓氏之陸,爵祿之祿,均讀如路;顏色之綠,讀如慮。凡如此類, 變數字者,如六、祿、陸、綠 , 均為入聲 , 南人讀之,一音也。京音則數目之 北京晉無入聲,凡入聲之字,皆轉入平上去三音。此人所習知也。然有一音而

不可枚擧,初學京晉,往往而誤。

也 長 ,則必曰您,讀如隣,非是則不敬。他字亦分兩意,呼平輩可直曰他,卽彼意 。然述及尊長,則他字必讀如坦,匪是亦不敬 有一字而分兩意者,如你我之你,遇平行以下可直呼你,爾汝意也。然遇尊

有一字而分三意者。如得字,失手而物碎曰「得」 其音促,有惋惜意;見

popula Parama

語

人相 1.争而日 , 有勸止意;令人作食物或製他物曰 「得了嗎」 有詢問

邑

京音親讀去聲如慶 亦有以平聲字作仄讀者 。按此亦有本,唐盧綸王駙馬花燭詩:「人主人臣是親 ,如兒女姻親謂之親家, 此本古語 ,見唐書蕭嵩傳

則 由來久矣。京中土俗,晚輩呼姻家翁媼曰親家爹、親家媽。官稱則 否

語 , 偶與友談及其妻,輙曰:『咱們內人·』友笑謝曰:『不敢·』俄又談及其 稱 我日咱 ,我所獨也。<br />
曰咱們,則與言者所共也。 昔有人初至北京 ,學爲京

私,復曰:『咱們的父親。』 友<u>驱避去</u>。

們少爺。」 詢及其兄 京人談話好爲官稱,有謙不中禮者。昔見一市井與人談及其子, 初以爲怪 ,則曰:『您的家兄。』初以爲怪,後讀庸盦筆記,乃知其有本 , 後熟聞之, 無不皆然,以是謂之官稱。又見旗下友與人 **輙日:「我** 

不足怪矣。

京師人海,各方人士雜處,其問言顧語雜,然亦各有界限。旗下話、土話

讀如 官話,久習者一聞而辨之。亦間攙入滿蒙語,如看曰把,靠役曰蘇拉,官曰 音 , 主管曰傍蘭,大皆沿用滿語,習久乃常用之。又有所謂囘宗語 章京) 、切口

語 語者,市井及倡優往往用之,以避他人聞覺。庚子後,則往往攙入一二歐語 , 資爲諧笑而 E 士夫弗屑顧也。 日日

祿識 方明月可中 徐謂 京語 に應作蹤 有最雅 庭 者 7 9 齒怯 9  $\neg$ 如曰 山可一窗青」 也 可一街 0 引會茶山和魯宏父雙柑詩云 、可一院, 即滿街、滿院之義也。 唐人詩: , 皆與此 義同 。謂佉曰 . 楚 「莫向 (讀去聲 君家樊素 如醋 П 9 , 天 瓠

有 讀音最 進 者 , 如以脂膏車之膏 飲飲 馬之飲 ,均必讀作 去聲是也 犀微騰遠山顰」

爲證

0

有最合古義者 9 如謂 短矮人日鄉 0 按通鑑音義 : 2 9 七汞切 0 唐 書 Ŧ 伾 傳

公山 . 鏖 , 形容箋鄙 適日 ,驚日發炕 一舒坦 0 , 含蓋 , 至於呼車輪目較物,被汚日染 無聲曰悄默,潛藏曰隱欺,匿曰昧, 日 , 巧日 機伶 , 增添 Ħ ,節用日撙 續 分 物重 序 百沉 (讀如 , 失意 , 存 日 輕浮日飄 鏖 糟 9 吝 9 忍受 日剋 ,夢

語言

Ξ

龍東

,舒物日伸

語日 發鸝,半眠 日迷胡 ,稱量物日較。皆與古義相 (卽糢糊) 9 微熱日烏突 (溫暾轉音) 9 南 音日蠻

合

,前人詩文中亦恆見之。

執约日 形 大 去聲) 子 亂 晃 逐日轟 日 , 說 或以意會 天足日旗 叉 麻 性急日毛躁 有 明日 日 煩 撇 雖爲俗語 , [邊式 美日 接近日拉攏 扭 9 熱開 告 9 源亮 亦曰 下 9 • (讀如稿) 日得樣 皆不失字之正 日 • 而有意義可尋者 9 撑 火熾,亦曰火爆 日發毛 9 乞物日尋 刻薄 **,**中 9 ·勞日 9 空日 性傲日 私 日損譏人 9 累 借宿日尋宿 (讀如形) 草包 義者 日 ,亦曰乏 苗 體 0 也 9 如大言曰 9 9 9 (去聲) 亦日損 柔日 閑談 不熱問日 9 (讀如形休) 不强日乏, 溫存 日撩 物 恤 吹 2 9 光緻日 溫 , , 初起日底根 9 , 私財日體己, 發怒日 閑游日逛 視日阻 9 欺騙日 |抹麗 物過熟曰大乏, 9 9 大聲 火 偸覷 勁 籠 9 9 • 終了日壓根 飲 自 予人日給 統 9 錯誤日 寷 剛 日 日 9 美日 日 喝 瞜 , 墓作 標 , ,祥示以物日 俊 吸 脫空日 擰(上聲) 9 9 烟日 不 纒 日 9 0 老日 足曰 亦 或以形 閧 漂 自 抽 9 驅 少 變 俏

有並無意義,或並無其字者。如醉曰喇嘛,從旁揷語曰得吓,向人私語曰耿

边

## 咕 則僅爲一種流俗方言,無可深考矣

京師工藝,有日減金減銀者,以金銀絲嵌入銅鐵器者是也。字當作努 , 讀如

减 。漢馬融廣成頌:「金銹玉鑲」 9 其字甚古

京語 有極刻薄者 ,如呼考生曰浩然子,初聽其名甚美,然其諧聲實爲號瓤子

後出 也 0 蓋喻號舍如瓜 (種 叶 中 帷 ,而考生居其中如瓤 豆芽菜則 不種者也 0 0 呼浙紹 呼落第舉子曰豆芽菜,蓋喻凡物皆 人曰臭豆腐 , 譏所嗜 也 0 久則並 種而

唉! 豎子不足與謀!」 京人聞 人道失意事 9 **輙失聲而呼日** 「唉!」有嘆惜之意 0 史記范 增 傳

南人皆呼日豆腐皮

胚 配音 謂物之圓 孤 胚 頭者曰骨朶,其字應作 音 都 <u>\_\_\_</u> 俗因謂杖頭大者爲胍形 胍胚 。宋景文筆記 云: 「關中 人以 腹大 為胍

,後譌爲骨朶。宋時御殿

儀

仗列

之。 今京師猶 有此 稱

9

0

語

言

謂路之岐者曰毀路 9 亦可作差,俗譌作岔。按韻會小補引唐詩: 枯木殿前

五

舊

京瑣

記

一六

差路多」,謂歧道也。差,丑亞切、歧也。集韻或作段,董遐周景集亦引之。

稱己所居室曰我屋裏。按陶淵明詩:『我屋南窗下,今生裴嶽菊。』又王安

石詩:『我屋公墩在限中。』

農、寶竹坡、張香濤、王蓮生、盛伯羲、忘伯愚,更爲羽翼。迨常熟當國 亦未知也。馬江一敗,中國之內容旣露,始爲各國所輕視矣 干常熟,而於敵我之情勢,固未暇考也。海軍之經費,已移作頤和園修理之費, 名流,文道羲、張季直皆爲得意弟子。甲午之役,文頗銳志功名,力以主戰之說 當時大老主持壇坫者爲潘伯寅 **清德宗初年,東南軍務觕定,京朝士大夫漸有承平景象,於是淸流之名起。** 、翁叔平、張子青、黃嫩蘭諸公。李越縵、李芍 ,延致

器 ,潘借觀不還,師弟斷斷相口角,亦名流之佳話也 潘吳縣生平精力,大半銷煙於金石 ٥ 嘗見王蓮生家藏名人手札 王得一銅

朝

流

伯 愚 爲 長樂初將軍善子傳文忠恆之孫也,其妹入宮爲珍妃。將軍 鎭廣州 時

與名 學 頗 提倡 Ť ,名流 士交・又世居戚 伯愚與有力焉 風 雅 冷落 0 時文道羲之父任廣州府,道羲與伯愚弟兄文字相結契 诗時 里 人爲之詩曰:「今日淸流盡可哀 。或傳道發常課珍妃讀 ,於時文士之講聲氣者 9 語蓋不確。志氏昆季皆有才調 , 皆締交焉 ,伯愚烏里雅蘇臺」云云 。迨珍妃 入永巷 ,文之大考擢 9 伯愚 喜

一時名士雲散風流,亦朝士一變局也。

望遠鏡云 上螺紋 清流 清卿自謂精槍法,有百發百中之技,試之良信。與習者,或謂 。兩公皆主用兵以張國威,清卿北辱於榆關,幼樵南敗於閩嶠,論者或 最勇盛名而喜談兵略者,南爲 災清卿 ,北則張幼樵也。 幼樵論 兵事 其槍上置 如掌

月 章楷法。厥後道義諸人出,始復有志於兵事 其目約分爲五:曰三傳三禮 自吳 、張好談兵而致僨覆, · 日金石碑版 於是淸流乃出其看家之學 ,日考據目錄 · 日小學輿地 · , 以相號召而消磨日 日詞

謂用違其

地矣

耐歲寒。』 眷,余嘗見仲魯一聯,題爲分詠李延年瓦松,云:『可憐兄妹承新寵 當時名流文酒之會,率爲詩鐘 賞其渾成大雅,而竊訝其不祥。未幾而妃貶,伯愚昆仲各竄逐矣 , 伯愚與弟仲魯皆爲能手 0 於時珍妃方得寵 ,未必風霜

藥。 禮敬之,亦恆煩其捉刀 十萬卷,工部員外補缺一千年。』門內修竹數十竿,掩映窗戶間 過其居者,但聞諷詠與呻吟聲相間作,時人戲比之林黛玉云。潘文勤 清流中以李越縵爲最淹雅,亦最兀傲,其自署所居門聯曰: **『**保安寺街藏書 ,至年節常饋贈焉 憫其貧亦懼其駡也 都 ,不恆病而 中俗 稱 的偏嚴最 馬料 好服

亦見當時大老憐才之意

喂養

,

潘

値

年節

9

輙

屬其僕曰

:

\_

速送李

,

0

老爺喂養去,

否則跳

「聊矣

°

雖惡

謔 ,

當 時 所謂 清光 緒初 紅 Ĺ 也 9 滿部員之最 0 時 有 聯云 : 頁 (時望者 六部三司官大志小那端老四, ,爲榮祿 9 端方、 那桐 9 九城五窰姐 皆於部中最 雙紅二 有 權

翠萬 【人迷 0 皆喻 其 紅 也

朝

流

在昔京朝官最清苦 ,五品實缺官, 歲俸不足百金,兩季米十石餘耳。正途候

輸結 失政體之一端 補者 二十年來 而大宗 費 則 , 減半 捐 、收入 , 例停 始得赴引。質言之,則國家開捐例 生活程度之增高 支給 ・爲印 0 ,印結之費絕 自光緒壬寅設外務部 0 上結費 捐 納 0 並半俸無之。生活之需,多仰給於外官之冰 凡捐納 • 何啻十倍昔日。 ,各部始一 人員 ,須由同鄉京官爲之出結 9 體給公費,京官始有正當之生計 始定公費 賃屋無過四 ,而京官分其餘潤爲 ,而商部 金者 、郵部踵之 ,宴客一席 · 省立 一 生活 炭敬 而 E 印 亦 D 與 無過 迨宣統 然余觀 結 別 此 敬 局 亦 四

微 , 猶 舊之六部戶曹, 筦財政最爲膏腴之地。 有餘 力以爲娛樂遊戲,文酒之宴不廢。每一思之,感深今昔矣 吏部掌銓衡外省官員,謁選 入覲者

五金

,

車

馬喂養

無過

十金,僕媼

工資祗數百文,碾倉米爲炊

》,數口

H)

飽。

所入雖

奉爲 心神明。 刑部操生殺之權 0 兵部典戎政。 禮部事簡,最爲清貧 0 工部多雜流

威 武 貧 賤 人而已,頗爲土流所輕。故時人之喻六部者,曰:富、貴

所與接近

者

,

木

廠商

慶王奕劻,初爲支庶,能讀醬,授蒙童於西山間。入繼爲貝勒,當時所稱劻

軍機 惟慶 長 計 以 3 地 , 大臣 而已 簠簋 特 也。 E 云 一雙俸 以 ٥ 亦不 軍 清制 起自田間,恭謹能文,遂爲宗親中之矯矯者。歷官當國,累晉至親王 D 其 機 其後臺灣 7 修飾 不設相 世 領 領 銜 一襲罔 袖 者 , 之割 特以小心奉西朝 . 替 , 付諸遠宗之禮 殿閣 必爲 0 -清諸 ,旅順 殺親王 大學 王 ,士特爲 ,非皇子卽 9 、大連之租借, 故名之日 王世鐸 9 又復下 崇衡 9 王大臣 0 八家世襲王, 其操 此 和同寅無 皆慶當國 在慶之前一 八中書省 0 醇薨恭去 大過 領衛 其以貝勒晉封 樞密院之實權 人也 9 故 ,孝欽爲 9 機彈 能 0 保 其 持 者 人 )數年 者 世 庸 自 至 一呼爲 一襲者 庸 握 , 無他 實 威 慶 權 惟 慶 ,

有 名 入也 雖 所 指 挑 軍 9 居末 宗 機 簾 5 名次最末港曰 , 畞 而 者 多發 語 挑 瞿 簾 言 9 ý 眷注 俟 , 實操 在 「挑簾軍 一逐優 前 大政 者 里 0 機 或謂 文 0 瞿 , , 乃亦 其貌類 蓋 善 化則 咫尺森 入焉 文宗者 以王仁和年老重 嚴 0 孫萊山之入軍機 9 軍機 , 皆爲 入對 臆 説 聽 9 宮監亦須 9 孝 9 以代 欽亦知之, 表 廻 醇 避 Ŧ 。其 故

起逐

取而

代之

王仁和與張南 皮同在樞府 ,夙有意見。仁和之薨也,孝欽以其陳力久

朝

流

之,諭飾終之典必備 。章京擬旨,其首云:『大學士某持躬廉愼,學問優長。』

此蓋例稿

,

時慶邸、

南皮、項城均在坐,南皮閱稿

,指第一句之康字,搖首曰:

此必須改 廉乎?奈營墨名雲南報銷案何?』至第二語又曰: 0 迨復擬 ,則易廉愼爲精敏 ,張拍案曰:『精字妙 『彼非翰林,奈何用此 ,誠哉精也!」章京 語?

復前謂第二句不可易,因大學士例得諡文也。張沈吟久之,曰:『此無奈何

稿乃定。

遇 及所據之勢力 清季所稱三宮保者,袁、岑、 9 亦互相消長 。然於清社之存亡有繫焉。自鐵路國有之政策 盛也。三公智均力敵 ,各擅勝場 9 於 西朝 之眷

出 ,而民心始變,迨洹上復起 扼 於袁 ,澤公起欲推慶、袁 • 逐成結 , 乃復起盛 温矣 。然慶未去位

後 · 排徊久之。於是以鐵路國有爲自進之妙策 9 然不欲自爲發端。 欲覓言官陳

盛無從起

, 到京

書自娛,於時事曹如也。武進物色得之,枉駕先施,謂欽其品學,石亦甚喜。繼 之,而又懼爲人所挾持。時有石侍御者,老儒也。服官數十年,寓某客棧中

復杯 酒 相招 , 歡談旣浹 乃言: 『吾有富國捄時良策,惜言路無人能陳之。』 Ш

示以稿 ,石大 欽服 ,慨願陳奏,其摺遂上,而軒然之大波起矣

彦復 彭嫣 革後 爲忤 潔 雅 清 也 飭 淸 余嘗雪夜過 0 , 項城 才不 老矣 9 之末季 9 後以 以部 躢 早受吳勤惠知 9 **猶主江南壇**站 貧 曹滯京 · 有所稱四公子者· 陳伯醬、丁叔雅 , 余與 訪 卒 ٥ · 丁 自 起 陳最 同 · 居潮州會館 官刑 ,任北 工詩 部浙 掃雪烹茶,清談 0 譚 9 刋落浮 洋時 江司 學最 ,門無 新 9 9 吳往依焉 終 詞 9 才氣 歲 , 雜 自成宋 達旦 不 賓 縱橫 , 到部 。所以資助之者 。余笑比之石頭記 亦不輕談時事 人家法 9 、譚復生、吳彦復也 議 , 論 長官亦優容之。 新 ,作秦淮 題 卒 , 良厚 中之妙 · 選戊 詩 寓 公甚 詞 , 戊之難 顧 晩 相 。丁最修 隨 娶 久 玉 唱 女伶 手 和 9 9 不 揮 改 而 ٥

立 Ŧi. 戊 戍 千 六 金 君子中 , 令持 去 , 林 0 後 以 消渴 疾 , 客 死於津 , 而 彭嫣竟不 能 守

將

與

彭

嫣 0

同 設

妓

寮

,庶

收 生

入稍豐耳。」項城

大笑曰:「吾知

汝意·汝

又窮 何

極

矣 曰

0

霍

畞

盡

日

謁

項城

調

計蹙

,將作

一商業

以資

御

口

0

項城問將

作

,

東谷年最少 , 才具亦最明敏 , 其死東市 也 , 神 色不 變 ,惟

謯

流

二四

仰天冷笑而已。劉裴村光第 ,沈靜好學 9 在刑部同官時,不輕聞其發言 ini 皮裏

陽秋,偶詢一人一事,輙能言之娓娓,才最可惜。

地道 **袁許並名,未爲非幸矣。** 有地道暗通教堂,且令三次赴壇焚香,表皆不起,實爲暗通洋教。」云云 何?』余曰:『公爲近臣,奈何不持正論?』立深然之。事起,立言於孝欽,莊 神話,必召大釁。』且舉宋郭京事告之。立拍膝曰:『奈近侍輩日以邪說惑上聰 請假歸省,以故舊往告別,時淶水團起事,立以詢余,余曰:『此亂民耳。假託 最深,日來過飯 皆疑之。按立初爲內府司員,甚貧困,性儻蕩 近,其遇禍宜矣。立以戶尚兼內府大臣,久爲孝欽所親信,乃亦同時付東市 王等忌之,且利其家財,逮之。事定後,余査部卷,其獄詞曰:『家近西什庫 云云 庚子三忠:夷太常、許尚書、立尚書也。夷以直諫,許以擅外交,與洋人接 ,蓋爲搜括家產地也。然立特近倖贄御耳,平日簠簋亦不甚飭,乃得與 ,聞舊僕云:『家中每日飯時 ·必候楊四爺也。』 ,好與漢官文人游,與先伯可寇交 庚子三月,余 10所謂

滿漢對 正途 煩 焉 交。 , 部 其 百 清 邓用之例 親王領之, 治 職 曹中書爲章京 初有會同四譯館之設 間 蓋 如 9 主容 始有總 。丞二,秩三品; 會辦大臣 , 即東西 理 9 如軍 衙門之設 機例 \_ 各國位人之至,亦由館人傳達。迨海禁 • 凡高麗 9 擇軍機大臣一 多識二, 0 0 光緒 以親 • 庚子後 王領之, 琉球 秩四品 . 人兼任之。 9 越南、緬甸諸屬國貢使之入皆隸 ; 以外人要求, 尚侍中之通達者爲 几 司 \_\_^ 廳 尙 書 , 郞 , 改爲外務部 員 侍郎二 主缺 一根通 大臣 , ,重譯 9 而 9 9 始破 專 考 管 取 事

分任 條 孝欽乃召見焉 京在 陳設 m 之。 戊戌 政變後 右丞唐文治實主部事 商 奏調 新政 部 9 , · 基 傍 徨 載 人員十有八 o , 有農 振 迨庚子後 納其說 0 \* 某軍 I 8 9 , , 擕 皆知 機爲之先容 。規制一仿外部,曹郎缺二十四,奏調與考試 貝子載振出洋 商局之設 吳歸 名士 ٥ 商部既 0 , 特准 三局各設總 9 謂 9 過 與 立 徐某特 各部 南 9 振爲 洋 輪流 以久 辦 9 有 尚 9 (辦兵) 端午 書 僑 値 商 日 9 兩 書 I 橋 9 侍 記 廠 預 • 被被薦 郞 Ш 備 徐雪岑 爲 人 召見 、吳桐 伍 9 無用 廷芳 非 0 . 徐之赴 吳 林 康 者 黨 調 . 吳 陳 卿 , 9

四

流

朝

寒,亦實無 一才具 · 界之閒散而已。厥後裁工部 · 以其事並隸之,改農工商部

旣狐 傳 部之設 · 張百熙爲尚書 , 胡燏棻、唐紹儀爲左右侍郎 0 胡未 到 任 而 逝

0

陳在 吳重 有滋 爲言官所劾 疑臟 官無美評 熙承之。百熙死 ,然事後考査 而 去 ,然京漢路之贖囘 ,而任以李殿林 ,林紹年代 **,曾無何** 種弊愛 。不一月岑春煊代。岑出督粤 ,蓋醇王之西 ,京張路之興築,皆其手辦也 • 且收囘路權 席 也 9 持以毅力,有足多者 0 9 **膻路** M 陳壁 事 二機任焉 在當 時頗 。後

途, 曹時 中 而愈不 例 刑曹於六部中最爲清苦,然例案山積 ,見滿 趙誅 必有一熟手主稿 敢至。其庸沓可笑,然尚虚心,蓋每蟿必視主稿一堂畫墨否,旣證則 左右堂旣不常到,到則各司捧稿 ,直泉沈家本內調爲侍郎,皆秋審舊人。 餘各堂但畫黑稿 耳。薛 9 動關 ,送畫輛須立一二小時 人命 尚書允升旣卒 凡稿須經沈畫方定 , 朝廷亦重視之。故六堂官 ,蘇無趙 , 故視 。余在 舒翹內用 馬畏 刑

前清雖帝制 ,然用人行政尚取廷議、循舊章,濟議所不容,成憲所不許者

書行。若問見有未證者,則曰:「先送某堂,看後再送」云。

布則 時 者 壂 交談 到 m 臣 敢 , 部額 用之 散 余 可 漫 Ř 崱 者 然行之也 9 循例 宜 缺 0 9 (鳥 言曰 旣 有定 日 辦 而 布 意不治 滿語 0 公 : 9 9 捐 葛 在秋 , -『某之官· 靜 尚 納 書寶 曹時 以 人員 9 則 聽 之可 日考 於所 須俟到 華入見,孝欽徐謂 ,有一捐 0 孝欽 也 試 擬 來 稿 班 0 方能補 臢 默然無 ·納郎中李福海者,太監蓮英之姪 9 然某 其 9 調 尋 公亦竟 斑 以 部 實 亦 索 難 • ٩ 不 由 疵 也 -無 長官 敢破成法 李某可酌予 ٥ 0 余既 如 余之調 何 自 知之, 動 0 以 郵傳 0 9 無已 視 非 寅 缺 後 也 由 來 請 友 0 , 9 ے 或 也 某 員 託 亦 司 多 尚 界 倘 , 9 勸 書 到 9 書 9 小鳥 百 可鮮 以 惟 5 采 虚 按 避

後 納 以 始 經中會 9 黄布襄之· 供於祖 中 卽 舊 進 爲 例 詩 土 異 9 途 部 歸本班者 曹 0 , 記 亦 惟 庚子迥. 不 進 給 土 堂日 俸 • ・日資深先・選缺即可補・ 拔貢 **整後** 0 故 8 李 爲 『當差四十年 9 發恩俸 **純客有** 正 淦 9 餘 補 \_ 次 缺 則 保 9 , \_\_ 千年 今始得落微 與 學 途京官 • 以同榜無其前資 之熊 捐 納 , 0 李 亦 祿 雖 耳!! 得 初以 學人出身 與 焉 捐 也。 納 可 0 嗼 同 部 9 自後新部 如 鄉 曹 而 甘 分 此 兵部 I 經 0 然 部 捐

之喜怒爲

涎進退

者

9

則

又遠

矣

朝

二七

瑣 記

成立 9 奏調 紛繁 9 舊例始破, 仕途亦始雜

督辦 大資 聊 中 9 本家 9 雕 日 當 値 冻 鲁 時 革命 助之・ 大学數百 朝 • 栽毯諸業 流 中 , 所招 沒於海上。 , 能 ,心志頗堅定 一股本特鄉年世好戔戔廉俸而 · 得超等文憑於法國簽會 羅工藝質業者 余爲清結其工藝局未完事 。事定出復故官 ,首推黃學士思永。拳亂時 一出口 E ,乃設工 0 故終至停辦 ,惜其造端宏 歲增數百萬 藝局於琉璃 ,被收入獄 9 , 歸任 惜 8 ·志願大 財 廠 浦 力 提倡班 口 薄 在獄 商 • 而 埠

屈於所遇也

無私 各爭權力 圓 溥良 ,宗親乃始 清之末造 0 ,宗人實佔其五 當時 9 兩世 九部 争競 無儲 9 0 財政則 宣統 。此爲清一代朝官之變局 , 繼位 旁宗 文文文 八入機 9 攝政庸儒 ,外交則 ,而孝欽與 突動 ・力不 醇王之福晉 ,農工則溥倫 ·能制其家人 · 而社亦遂屋 9 兄弟 9 。於是宗 海軍 矣 也。 則 戦洵 族並 援 立 不能 進 理

男也 排漢 ,墮地即與君同一資格。』 蓋滿人捐數十金,即可得筆帖式,其升途一 之說 至剛 毅始明目張膽言之·嘗謂某翰林曰 :『內人日內免 身 切與 倘生

漢人耳。剛識字無多,皋陶之陶讀如桃 編檢七品小京官同也。此本漢滿顯分之階級 ,剛愎之愎讀如復,或正告之,弗信也。 9 惟剛傲狠 不恤人言,乃引以辱

徐蔭軒相國以講理學名。雖稱頑固

9

故無大過

。 若其子承煜者

,則眞梟獍

輙

矣。 名。持繩逼之,其父遂自縊 胡。迨兩宮倉皇出 不得畢畫。蓋其時趙方入軍機用事,有察看拳民之命,承煜力主之,故復命涉含 拳事方起 ,承煜爲刑侍,在公堂與趙舒翹切切私語竟日,可官持稿上堂 ,蔭軒年過八十,且已在告 一。說者謂渠自知罪魁 承煜則力勸父殉國 ,翼父殉國 ,可得邀寬典也。卒 以邀身後

正典刑,當時快之。

朝 流

舊 京 瑣 記

## 卷四 宮

政者 之, 又爲德宗之外舅,常以閒秩無聊,求補 東,皆白食盒中進。其被杖而貶也,孝欽蓋搜得其母家之書札云。 則始於孝欽侍監諛美之詞耳。妃嬪行動曰關防 與外間音問斷絕。惟后妃家進送食物,例所不禁。故珍妃入宮,稍與外事書 。弟兄率授散秩大臣 **清初立法,首防外戚之患。女爲后** 清代宮闈整肅,蓋由立法嚴也。宮內稱后曰主子,妃嬪曰主位。至稱佛爺 ,通籍奉朝請 一官,破例授工尚 , ,則父封一等承恩公,沒贈 充宿衛而已。孝欽當國 9 關防之嚴殊甚 ,不三月 。 各有太監以轄 ,其弟桂公祥 太師 ,卒令解秩 ,無許執

以其不稱職,恐滋物議也。至於穆宗后父崇綺與其子葆初皆精文學書法

宫

·在滿宮

舊

可及云 中爲最傑 出者,然皆不得與政。庚子之變,闔門掘地爲深坑 9 皆殉國難 ,爲

祖, 入宮 月間 本皇室之僕御也 常服 也 ,凡包衣旗人家生女皆入册籍,及歲者皆得與選,日選繡女。富家 宮女定制不得逾五百人,皆選自內務府下三旗人(內務府人曰包衣下三旗) 或賄不入選,或以醜陋者應名 惟藍布衫 。間歲一選,出其逾歲者,纔令足額而已。選取之制 9 粗劣已極,以視歷史所傳,奚啻霄壤,其不擾及民間, , 翼落選 9 亦事所恆有 。宮女妝 ,率於二三 皆紅 多不 七盛 - 願女 襖 級

戒。除今裁定內官衙門及員數職掌,法制甚明,以後倘有犯法干政,竊權納賄 謀爲 賢等,專擅 不軌,陷害忠良,煽引黨類,稱功頌德,以致國事日非 不廢,然任使失宜,遂貽禍亂。近如明朝王振、汪直、曹吉祥、劉瑾 宮監之制綦嚴,順治十二年,立鐵牌於十三衙門,其文曰:『中宮之設 | 威權,干預朝政,開廠緝事,枉殺無辜,出鎭典兵,流毒邊境 ,覆敗相尋,足爲鑒 ,甚至 3 魏忠 , 雖

嗯託 此 死 加 , 定不 內外衙門, 至末 ·姑貸 季之安得海 0 特立 交結 一鐵券 滿漢官員 9 雖近 9 子孫 張 ,越分擅奏外事 狂 水守 9 然被戮於山 0 <u>\_\_</u> 云云 9 9 東 終清之世 上言官吏能否者 9 m 宮 山中不 , 無奄寺 能 問 9 之禍 0 李 卽 蓮 者 行凌遲處 英則 촖 僅 由

於宫 園 間 施其狡猾 外 貌則猶恭 謹 ---

۰

9

皆近 設院 及 康 熙卽 臣 0 內 尙 與宦官兼 十三衙門 膳 位 監 9 乃並十三衙門裁之 8 用 尚 者 衣 0 9 後又增設尚 監 順 治 • 十年六 尚 寶監 月立 , 方司 -御 設內務府 0 , 馬 又改鐘 首爲 司 • 惜 以 乾清宮執事 領 鼓 薪 司 其 監 爲 事 8 鐘 禮 0 義 鼓 而於宮內設 9 次司 監 司 • 9 直 尙 禮 寶 監 殿 敬 監 司 3 内 事 爲 • 兵仗 官 房 尚 監 以 寶 管太 司 口 司

其

官職

則

有總管、

首領

等

0

有

職

太

監

, 月給

銀

兩

而

E

有分例錢 過蔣 , 宮監 謂今日若不 多 9 清末 無 適門者報某監至 賴 將 , · 與錢 然 以 內府 佞 佛 , 必以性命相搏。婦女屏息聽其作威 領 9 又 則 款 好 不 易 行 男子倉皇 小 9 逐 惠 中 0 避去 親 落 串 9 然承 蔣 9 丽 氏 値 婦 爲 女出 如 內府 故 應之 果 , 內監 商 , 0 9 俄稍 某 其 例 監 錢 進 息 入 往 果 9 FF 往 各宮 率 拍 賒 監皆 以於 案作 貰

宮 盟

鏄

三四

蔣氏 數日 錢 此眞不了矣!吾辈多年交誼 , 7日: 機而 零思無路,但有 勿過傷 『此成 婦女之哭聲 也。」 文也 ,如此 婦女收游道謝 死耳。某監者始而靜聽 作矣,且哭且訴,謂領款如何艱難 換塞 , 寗忍坐視?』 ,已近十年,即有資不能予,予一而百至, ,監則殷勤勸慰而別 乃懷中出數金云 9 総而 拭淚 。余竊觀之,失聲欲 , 外外 繼川 欠如何急迫 婉 显 勸 , 終乃 區 相 助 文 日 欲無 度此 欠例 笑

戴而 ·賜之,某監大窘求免,則並其四品頂褫之。此雖近於遊戲,然亦裁抑內監之 清制 內宮不得過四品頂戴,毅宗朝某監最貴 『汝嫌藍色頂不佳,當爲汝晉一秩。』則出最佳之翡翠,命工製一頂 , 己四品矣, 猶乞恩晉秩 厭也,但有苦肉計耳。』噫!其眞婦寺之仁歟

9

毅宗

宦官在宫內, 權力亦偉。聞孝欽萬壽,某省貢珊瑚一雙,高及三尺,役夫摃

妙法也。

**吾爲辦之。』如其言,乃留之小坐進食,炊許,復曰:** 入,失手而碎其一,押貢官失色。有導之商諸某總管者,總管笑曰:『以萬金至 『特與汝試往觀之。』 則

之而 戚人蔣某承辦御 已成 笑 對 , 蓋以索賄 無毫髮異 果 不滿 。蓋取庫中舊存者配之,俟進御後再撤換耳。又光緒大婚 , 須 全紅 ,窘之也。 蘋果九大盤 蔣 則 從容自懷中出果九枚 0 臨進御 , 則各盤皆失其頂之一 ,一一安之。 , 顧 小 監睨 小 時

老弟 失敗矣 ,予已夙備之。

論有林下風 差 分 甚以爲苦 鳥 9 孝欽聞 然終未綰 不因女弟乞恩澤 孝欽宮中有 , 三 五. Ż, , 銅 人 符 極謹 日得 令供奉內 \_\_\_ 女清客 也 愼 0 \_\_\_ 晚年 休沐 9 供 廷 御 始截取 0 9 即繆素筠 時令代筆 書 鄰人李某與 畫外 知 9 9 府 不 9 月賜 丰 繆 俗呼之繆太太 9 候 涉 戚 補 串 + 事 直 金 9 禁 而已 余 0 其 得 9 (兄某為) 疆 0 0 臣 以纏 繆淚人, 晤 雖禮 焉 工部 足 0 重之 時 故 早寡 已五 員 9 外 H 時 + 隨 ŗ 9 予以優 誠 許 乘 繪花 朴 輿 9 談 4 ,

禁中 老 侍 欽 談 晩年 宴 , , 宮中呼之爲福祿壽三星。福指孝欽,祿指榮妻,壽指懷 有二女友, 爲樞臣榮祿 之妻 , 爲禮 尚懷塔布 之母 o 出 得 通 , 其時 籍 入

9

巳八旬 %極健

宮

闘

,

也

三五

宮中

富商 不得 姑娘 至敍與德宗相見,語涉私狎 , mi 輕接一語。宮人見駕過 ,美人最欣羡他國之貴族有爵者,德菱特著此書動其仰慕 ,或繩二女才,又係內府人,召入供奉,備通譯 , ,裕使法歸,二女已長矣。時宮中恆有外使眷屬入觀,以通譯官皆男子 雖太監及門,亦引身退室中,但有兩宮,旁無侍者,豈有屛後偷 以殊異於其他宮女而已。近見德菱所撰「淸宮二年記」 以上云云 固非外間所知 有女繙譯二,裕庚之女龍菱、您菱者是也。母爲法人,二女故明慧能英 ,特以自抬聲價而已。近聞已婚美人,某語 ,然云召見臣工,渠輩於屛後竊聞言論 ,跪俟而已。安得輕接言笑?某友謂德菱思嫁 , 尤為誣妄。聞之老監云 ,頗優寵之。命侍監呼之日 ,帝起居至不自由 或近 ,則爲不 ,語多非實 9 故自稱其父爲公 信 經 窺之理? 。宮內召 , 宮女 宮禁 美國 。

恣爲之,稍特異者,則繆素筠爲之代筆,自作殊罕見。曾於立尚書家,見其

人管某技最工,為之領班,賞四

如意館者,宮廷以養畫師,

名曰 [品服] 焉

供奉。月各食五六品俸

,視其技爲

高下

·孝欽故工畫·然尋常頒賞之品

來由供

二幀

皆有常例,不敢 員帶匠人入宮黏貼 新 蔵 , 稍易。外間王公府第 春聯色皆用 0 此差初改歸農工商部, 白,由南書房翰林以宣紙書之。自殿廷至庖湢 ,亦用白 余亦被派往 , 蓋祖制也。 9 門監索例規四 每歲暮 9 向由 一十金 三 9 其文 部司 9 司

人皆未夙備 ,相顧甚窘 ,與婉商 9 照例補送 ,始得竣事

之回 家族亦隨 南 名囘子營 海寶月樓 子營 惠公平同部,俘香妃歸,進之宮中,近 9 m , 亦建 入都 爲囘部歸誠仕族所居 (今之新華門) ,香妃思家 小樓 。香妃登樓眺望,其家亦得登對樓以瞻顏 ,俗稱囘妃望家樓。其街南舊有對峙 ,而限於禮制 , 今尚有一二家存者。 上特於南海爲建寶月樓 人筆記紀載紛歧 故老相傳 ,要其事爲實 色。 9 香妃 小樓 , 否則 丽 入宮 於其對 9 皇居 樓 有 下地 也 其

囘子營之小樓 · 余尚見之。今則平夷 故址不可復覓矣 嚴

,豈有面宮築樓之理?至香妃固以

疾薨

,園寝

尚 在

。復仇之事,皆出臆說云

武英殿左有小殿,榜曰「浴德」。內有浴室,用土耳其式建造,甚精美 宫 擅 。近

=

壇之齋宮 即有浴所 人傳謂香妃浴室 , 9 聖祖 當於寢宮內爲之,豈得作於閣臣侍講之地?內廷老監所云此爲祀 喜 西學 此齊東語也。清廷嬪御,無出乾清宮者,武英已爲外廷 ,侍從之班頗有西儒 ,偶悅土製之精, 效其建築而 同 E 。其 社 妃 稷

說近是,附會之談

可晒

不和 更衣,陰命宮人示意隆裕,令微揭以示 特政權不肯輕放,則猶未忘前事。憶某內臣告余一事 作 全如此。特清廷家法,素多儀文,德宗守禮,雖在病中,恆扶疾强行之,殊 , 則母子間之疑忌誠不能免。 · 孝欽憂之。某歲新正,聚博爲戲 孝欽之待德宗,外傳其如何寡恩,實不盡然。庚子以前 至西 1巡以後 ,德宗乃大勝。 ,德宗屢殞不樂。孝欽旣搖 , 間關 忠難 9 足爲 帝后因之遂和 ,迨於囘變 參 ,戊戌以後 證 0 德宗 寶 9 復 9 其 初與 歡 盒 9 治矣 政 委 以爲 、隆裕 起 變旣 曲 求 m

下簾,安坐車中,俟畢始行。村農叱犢田畝,亦仍其常 廷 帝后出行,警蹕殊簡。居園時,官員赴園奏事者 ,途遇駕過 ,但令廻車

兩宮往返宮園,謂之挪動。車後必有百數十抬,以資袱覆之,見者疑爲資重 『外間揣測全誤 9 內藏之財 自自

財貨 有司之者,豈若貧兒暴得數金,便一刻不可去身邪?』 賃 則御 用器皿 而已。立尚書嘗笑謂余日 :

鉢 骨肉之誼 ,而謹畏尤甚 清之失國,由於漢滿之見太深,此無可諱言者。胡文忠之在鄂 ,而後能成其功。金陵之克,督文正必推官文領銜具奏 。至以海軍經費充頤和園經費 · 遂致甲午之敗 , ,李合肥傅 脈而 9 至與官文結 不 可 復振 其衣

矣。因果之來,所謂自耕自穫歟!

方甚熟。友某以提牢任滿,召見詢監所狀況甚悉,且知其情弊 孝欽先世,蓋嘗 有因罪繫刑部獄者 9 其幼時曾往南所 卽 0 刑 友露驚訝 獄) 探視 色 故地

欽徐曰:『此余所舊游地也。』

瑾瑜皆妃號。瑜太妃工繪事,至今獫在。所擕扊飾,變斥略盡,生計甚窘 令士子避翠字。又記有同試某君,文極佳而被放,以文中用「握瑾懷瑜 或傳孝欽名翠,故文宗於中海建攬翠亭。昔溥玉岑尚書督學江 蘇 時 字 諷 0 聞上 學官 也

鲥

宫

年至售其洗頭盆以度歲 ,可慨也

婚大臣 焉。 故帝后不和 德宗議 , 如民間之媒人者然) 婚時 ,然隆裕亦不能得姑歡。奎俊以無以對德女 9 贛撫德馨女甚端美,已由內務大臣奎俊拴婚矣 ,德宗亦甚屬意 。孝欽終私於母家 ,爲其子銅林聘 ,强委禽 (帝室納婚有拴 册隆裕

立溥儁爲大阿哥。自西安歸旣放廢矣,乃益趨下流,與厮養輿卒爲伍,其行 銅與余同官郵司 德宗之後 ,序親及賢,羣議宜立溥倫 9 弱小而有名士習,終歲不完面 ٥ 然孝欽懼立長嗣 ,其夫 人人無如 9 將更歸 何 也 政 也

舍而

不堪矣

城名以誌其憤。隆裕視疾,蓋常見之。及大漸,聞書片紙,私與隆裕曰:『殺余 德宗之幽居瀛臺 因肝疾而怫鬱愈甚 ,小監偶不適意 ,輙罰令長跪 , ·日書項

者某人。』 故隆裕親政 ,首逐項城云

桑園先日備黃亭一,紅亭二,中置提筐與鉤 清宮舊例 ,春仲,皇帝親耕於先農壇,示重農意。而后妃亦於三月出桑 備后妃用, 鼓樂送之, 余蓋親見

,其形如棗。俗呼棗曰尜尜棗,其音如嘎,故此

陛道上所立風

燈

者。其祀蠶之禮,則外人不得與觀也。 宮中用燈 ,當時玻璃未通行,則皆以羊角爲之,防火患也。

類燈亦曰尜尜燈云。

宫

闥

四

曹京瑣記

## 卷五 儀制

門。 中和殿則惟大祀看版、耕耤田、陳農器、御駕一蒞。余於光緒中與耕耤田禮 政 將事焉 、大婚及宣統登極御焉。丹墀下列品級石,百官分品序立殿階,尊嚴莫敢 至咸豐而中輟,迄同光朝皆未擧行御門。儀物有二木箱,置乾清門左右 御正殿日坐朝 宫中三殿:太和、中和、保和,皆沿明舊制。 太和爲正殿 。保和殿則殿試、覆試、朝考、大考、考差皆於此,筵宴外藩亦在焉 。其五日一常朝曰坐門。 御門之典舊在太和門 ,近世唯光緒親 ,後改御乾清 仰視 往 以以

至於亡,終未開也。

儀

制

清之末代,不坐朝而但引見、召見。辦事各衙門奏摺以夜子時,由司員一人

74

**舛**。 蓋視摺上指痕爲辨 俟 置石欄上,視燈移至塔上,則事將下。俄而奏事官捧摺出,呼接事 捧至東華門外,少俟 領事者咸俟於外侍衞處檐下。 門啓 奏事官呼某衙門依議,曰「知道了」;曰:「另有旨」, **口傳手**授 ,奏事官奉之入內奏事處,交奏事太監呈覽,時僅丑正。唯奏事官一燈 ,門啓,隨奏事官以入,至九卿朝房,摺匣交奏事官錄 ,横耋曰「知」,豎畫曰「議」 。至光緒時,則移至西苑 ,則羣鵠立以 ,百無 於簿

接恩詔者,皆跪於金水橋下,曰聽宣。宣詔官用滿州語於門上宣讀,其音宛如牛 天安門上舊有金鳳一,凡恩詔皆從鳳嘴繫而下,殆所謂丹鳳銜書也。臣工之

望必祭 壽皇 ,四時 一殿者 令節必祭,各祖忌辰必祭,故皇帝每晨赴壽皇殿之時爲多 ,以供列祖御容,每御容前必供平果一大盤,四時弗撤 也。 9 月之朔 赴殿

後

慈宮問安也

引見之制,外官及初發人員,由吏部帶領,京官由各部自行帶領,先具綠頭

領之, 簽, 日 .膳牌,分繕銜名,由奏事處進呈。吏部排班,班六員或八員,由部員二人 口帶班 9 日押班 0 光緒時 ,值引見 則 (皇帝前坐·太后後方高 坐如供

佛然。 引見人員奏報其簡 ,但稱某名某省人,若干歲而已

制 , 在 偏 官監司以上及京員京察俸滿者 殿 成或暖閣· 中 ,宮監及簾而退 ,入屋而跽 ,引見後必有召見 9 ·先去帽 , 9 俗謂之叫 督賞花翎者 起 0 9 必以翎 召見之

向

上・以示数

給飲饒 歷代皆於詞臣中選之,人數漸多,恩禮亦減 並 備 諮詢 南 馬 書房之制 Q , 俾帝於退朝後, 朝夕居左右。**選於衆** 蓋於談經論道之餘 , 始自康熙朝之桐城張文端英。其時欲得文學之臣 ,兼亦商及時政得失 ,專供上方代筆 9 得文端,賜 ,優禮儒 ,或書寫春 臣 舍瀛 9 典 至隆 臺之 , 講 聯 重 四 頌 經 8 0 , 題詠 大 厥 史 後 官

亦如南書房,凡喫肉 ,文學侍從而已。 一書房舊設於阿哥所,即皇帝之師傅也。 、聽戲諸典,皆得與焉 亦於詞臣中選拔充之。其思贅體制

四五

中選二人或四人以侍講讀。帝讀書何殿,則稱之曰某殿行走。宣統時 也 自帝 帝 師 以下 (之 每無二,向於大學士中擇一人任之,如李高陽、孫壽州 ,均尊之曰師傅,而不敢名。其歿也,例得諡 ,其體制與某殿行走同 特俸給較多耳 文正 。此外復於詞林 • 兼及西文 **翁常熟皆是** 

聘西人莊克敦爲教授 歲仲春,帝祀先農壇,行耕耤田禮 · 三王代三公,一品九人代九卿 帝 应

帝親推畢,御觀耕臺,觀公卿推。服端罩,黃緞爲之,如外袿 推 ,公卿九推。帝本三推,咸豐時四推,示重農意。作詩懸於更衣殿,後以爲制 ,而稍變其制

,外省官廳各於儀門外供之。內廷自帝后下及妃御、宮監、內廷行走官員,各 祀典,先期齋戒,或二日 , 或一日,視典之大小爲差 0 宮中設牌於宮門

小牙牌一,上刻齋戒字,掛於胸前,曰齋戒牌。

時刻,分秒無誤,倘何灾異之足云?然奉行者莫敢廢也。各署所派皆資淺閑散之 世相沿不改,以爲常儀。禮部通行各省派員救護 春秋,日月食,書灾異,以時無共主,諸侯放恣,孔子假神道以設 · 實則科學旣明 ,欽天監已 教也 推算 0 歷

員 並 , 作 屆 0 時 復 詣太常寺 有糾儀御史,監察其間 , 列跪 於 庭 0 庭中 ,見有欲倚談笑者,謂之不敬。此制至光緒 真 鉦 鼓 僧道 ,設 壇 寕 經,金 鼓梵貝之聲 ,

年始罷之

崩矣 餘日元青桂 謂之花衣期 不得用羊皮 ,遽反穿羊 衣服之制 9 , 0 逢齋戒 惡其近喪服也 至奉安始 ,四時更易 皮桂以入,爲某王 . 忌日 Ŀ ,皆由宮中傳出,登之邸抄而行 德宗病革時 , 0 皆青外往 夏不用亮紗 所訶 而 ,傳各堂官入內 ,謂之常服 出 ,嫌其透體也。 , 當時傳以爲笑 國 ,都御 喪 則 遇萬壽或年節皆 。各部署引見時 入臨皆反穿羊 史張英麟以爲帝 皮柱 |蟒袍 9 多裘 9

賜 製五 無 翎者 花翎 眼花翎賜焉 甚 得 翎矣。六品以下官,如有賞賜 少 睗 與古之貂 翎冠 自捐 上,但綴翎 。自後 例 蟬 開 同 始 雖 9 福 初唯近侍宿衞有之。 9 人 文襄 無 人可得 頂戴 有大功,僅得四眼 名之日空花翎 :。其 ,僅得戴藍翎。其用於花翎者 極也,僅 康熙時皇子某欲之, 費二百 。餘則以賞軍 而已。宗室子弟 金 。故外 功 省 求於上, 3 0 ,年十二能試 官員 昔日漢 無 服 而已 幾於 特爲 文臣

四七

以綴 於冠 餇 自八 唯 御用 分鎭國公以上,均戴寶石頂 。然三品之明 間 以賜臣工一二人而已 藍 頂 , 亦曰藍 寶石 ,色正紫 頂 , ·無頂柱,故不穿眼 亦可 不用頂柱也 0 又 ,下鑽二孔 有 紅 一級結 I

•

,

官在 仙 也。 公侯伯蟒 鶴補上,大遭詰 文臣 世職上・卽用 黼 子卽黼 之世襲武 ,子男斗 黻 也 責 職者 牛。 本身服 0 親 9 殆亦誤於俗說也。 自餘 王四團 , 俗傳文前武後 0 嘯亭雜錄 諸職 IE 龍 ,多沿明制 9 載金司 郡王四 9 世傳宋王黼, 其實非制 團行 空簡以尚書兼都 0 御史及按察司 龍 0 9 官在世 貝勒二正 以帝 拍其肩 職下 統 用獬豸 龍,貝子二行 9 輙 9 ,逐繡 繡 可 , 崩 以 \_\_\_ 其 小 世 能 \_\_\_ 麒 職 龍爪 龍 麟 服 觸 於 邪

於肩上,此尤章黼之笑林歟!

行裝之制,舊用於扈從行圍,後則奉差赴任者皆服焉

。會典,行袍

9 行裳

袿也 色隨 忠孝帶 9 所用。行裳多以皮爲表 行袍即缺襟袍也,皆以便於乘馬 。俗傳荷包貯毒藥而帶,備自縊故,亦無考。梁茝林謂隨風時 小佩帉 ,素布視常服,帶微濶而 。佩帉 ,滿人謂之荷包、手巾 短 0 按行裳即今之馬 ,倉卒有犯 漠 人名之

## **儀**衞者,備此帶爲馬上縛賊之用,或爲近之•

所謂 辦典 禮 五品上文官得挂珠 「有時溜 ·供給御 到軍機處 前 也。內廷行走人員 , ,而禮部 串朝 珠項下垂」 、太常、光祿三署官員,六品下亦得挂之。 , 則不分品級皆得挂珠 是也。然此尚言昔日之中 ٥ 昔人 書 嘲 中 , 同 書 以承 光以

後,題本旣廢,中書並不得至軍機矣。

子。 末則 所謂 五品 翰林貂也。 旗 國 滿 外袿之制 F 一喪唯 制 ·婦裝 下 內府 凡 唯編檢 ,梳髮爲平髻曰一字頭,又曰兩把頭。大裝則戴珠翠爲飾 有 · 五品以上 · 始得用貂及猞猁猻 : 君后 又有帶膆貂桂者 旗人用剪髮制 、軍機章京准穿貂 、父母 、主父母之喪,皆剪辮髮寸許,其意或以 · 孝欽、德宗兩喪並出,內府 ,以賞親貴,每桂之貂 ,翰林多清貧不能製 。自後唯紹有制 縢凡七十二 則 人民髮皆再 9 猞猁孫 有 , 馬 莊 種 剪 殉 染 9 可 則聽人用 名曰 云 也 罕 貂 西 貴 , 俗 鈿 淸 俗

婦人見尊貴之狀。與平常人選禮,但以手上舉摸其髻,謂與拜同。履底高至四五 袍 桂如其夫之服,常裝之袍 ·長至蔽足 · 請安以雙腿 · 俗曰歐安 0 챮 如

制

儀

四九

京 瓊 記

上寬而下圓 ,俗謂之花盆底。袍不開氣,行時以不動塵爲有禮

日,入見德宗 苦。載澤之夫人與隆裕后爲姊妹 守家法,無絲毫之自由 宗親世爵之由旁枝入縱者,一 ,述及家庭之苦,德宗適有所感,輙持其手而泣 。此亦美法,具有深意 , 切家政皆操於老福晉或管家之手。承襲者但嚴 澤亦旁枝承繼者 0 第法殊殿厲 , 承襲子弟多以爲 ,聞於孝欽,次日 0

澤遂有守陵之命

家人皆白衣冠 北 方喪服較南 。漢 爲重 人則伯叔父母之孝服同於所生,期服青灰布衣 。滿族居喪,雖僅守孝爲百日,其期似短 ,帽履亦 ,然此百日 然 中

將屆,則女先減食。將及期,卽斷飮啖,日但用雞卵一二枚度日,可謂惡 婚禮爲不近情 新婦過門三日不下炕,並便旋亦不許,謂有則 不吉。故婚期 劇

了却一酬應。」蓋赴某府相髯也。詢其故,曰:『舊姻多,酬應不了,俗必駡而 善君,爲福元修相國孫,世爲貴族姻眷,家已中落。某日到署遲,曰 樠 :人家與府第結親,往往破家。蓋房族多,儀文煩,不堪酬應也 :「今日又 。刑部同官

始斷 不不 必有隙也。」 其可笑如此。然善君三女嫁伯王、恭王、洵貝勒 ,卒以是

破其家。國變後,至墮落爲某部書記,困窮以卒。

則各 巫 之,匪 長揖 遇尊長 屈 北 0 於紛紜雜錯中行之,不疾不徐,安閑 是則不敬。滿洲貴族,儀文尤重,其於大宴會中,客有後到者, 京 h----膝 人家,喪則親報,有喜慶事 。中有日前曾邀飲,或承餽贈者 ,則雙膝着地,曰跽安。弟向兄請安,兄以雙手扶之,曰接安 , 亦必主人或其子弟親詣親友家 彬雅 ·必再屈膝以謝 9 此 旗下親貴之長技也 0 或雜有漢 , 一 請 必 人 0 循行各 , 0 則以 平行

馬 • 帳房及黃鷹 宗室之殯 ,柩前 、細犬之類 有一木如葫蘆狀以爲別 ,皆示不忘射獵游牧之本 0 八旗殯前各樹其所隸旗 0 殯 儀 有駝

喪 或私詢之,則曰: 滿族弔儀 旗友往弔 , 必奠 **,**入門而號咷焉 、必哭、必慰 『臨喪不哀 。然此特同寮之浮泛者 ,此皆合於古禮。然亦有過情之學 , 聖人有戒 , 寗必有所慟邪?」嘗見酬應多 , 妻又少卒 , , 同 某 、友有妻 人皆訝

後制

往往號畢

而不知沒者爲何人,謂之文過於情可矣。

麔

귭

專 堂官聲長 宮門護軍 ,見長官至,則羣呼曰 , 而 可員則短,俗又謂之半聲道。老役云 「 伊利 滿語立也。官員 , 其聲卽虎威二字之切 入署 ,門役何

音。

報瑣事 拉 供 役內廷,或各衙署者 則有專責,與內廷宦者通聲氣 滿 ,藉索犒資 語蘇拉, 閑散也。 ,亦名之曰海蘇拉 , 昻邦 統曰 蘇拉。入覲官員 , 大臣 ,亦能作威福矣 也。 ,以其無一定秩務也。其軍機奏事等處之蘇 故散秩大臣曰蘇拉 9 初入宮庭 , 則羣蘇拉包圍之 **昻邦。而閑散旗** , 人 各 9

包衣卽僕役 , 意其音義,與英語頗同。凡旗三隸內務府,謂之下三旗。各王

然內務府官缺,皆包衣旗人爲之,其親近膏腴,又爲朝官所不及。內務府大臣曰 公府第亦有包衣 ,率發遣投靠者,必奉特旨始可脫包衣籍而入八旗,謂之抬 旗 0

包衣昻邦,司員日章京。

杖 則灌鉛於竹,往往數杖即決云 內務有愼刑司以掌宮監之刑法,宮監有罪,皆杖脊。杖以竹爲之,死刑亦以

盛。

隸焉 冠戴食俸。如李順、譚叫天、孫菊仙輩,儼然供奉矣。及田際雲入官,秦腔亦大 所習,多崑弋。季年宮中演獻,始有皮黃,而命伶人之有聲者入爲敎習,亦得賜 。神樂署則仍屬太常,另有和聲署隸於內府,俗所稱南府者是。優伶皆內監 樂部以王大臣領之,署在西安門內。凡宮廷宴會、大典、郊廟、祭祀所司皆

饒

制

書 京 瑣 記

## 卷六考試

中,殆人主牢籠才傑之長策歟? 者,率皆科學之士,先納一官,以爲留京應試,揣摩風氣之地。天下英才入吾彀 仕途,尚不蕪雜。凡以別途進者,限制極嚴,差缺升途皆無望也。其有納貲爲郞 考試取士爲清代登進人才唯一之途逕。然至於末年,風亦稍稍替矣。但京官

式之應官謁師,落第之留京過夏,遠省士子以省行李之勞,往往住京多年,至於 引見,有憑引期限,其居留之日短。舉子應考,則場前之籌備,場後之候榜 釋褐。故其時各省會館,以及寺廟客店,莫不坑谷皆滿。而市肆各鋪,凡以應朝 北京市面以爲維持發展之道者有二:一曰引見官員,一曰考試學子。然官員

五五五

考

旗

五六

夕之求飽遺之品者,値考擧之年,莫不利市三倍。迨科擧旣廢,市 於市 ,其消息固相通也 面逐呈蕭索之

大考以試翰詹,十年一舉行之,一等超擢 ,編檢立升讀講學士。二等前列

象,於朝

公, 得升五品 遇此 關者 · 次亦得優齊。其居劣等者 • 莫不喜且懼也。德宗初年大考 , , 時望頗屬張南 仙凡之分在須刻 皮 0 南 故 皮文思敏 翰 院諸

捷, 是日獨遲滯 , 最有 時譽 0 ,給燭始畢卷 乃入闡,覓人談笑 ,竟不獲上選 ,日下暮矣 0 第二次大考,曾貞白廣 ,始草草畢事,亦不獲雋 鉤 , 。一等 文正

薄,抑置三等。末復爲李藏客所劾,交院察看 。陳蓋嘗與張御史之弟同狎一妓

五人,南海戴文誠師與焉

。同邑陳御三編修

,本擬二等第一,有忌之者,謂其輕

張語於李 ,謂其好爲人捉刀,實則亦無左證也。余嘗謂其被擯似溫飛卿 ,後竟沈

滯以沒

永、吳魯、張建勳,皆由拔貢小京官,考充軍機章京, 傷直樞廷 鼎 甲 ·妙選 ,雖糊名,然亦微講聲氣。同光以來之殿撰,如徐郙、 , 陳 藉其聲譽故 晃 黄思

即不 平時 句; 流 也 , 及矣 殿 以楷 平 則 試 日 樣 師 0 則策之前一 邊省舉子, 進士往 温星 友 ,早有 師 聽 門 留都 行 定評 臚 , 或世 唱 9 者 馳 過夏者 ・蓋皆 交當道之有閱卷資 馬 ý 恆 遍 一 不 及 百 遞 非漫然得之者 9 如劉 9 力不足則 一十人 福姚 • 9 皆夙 格者 夏同 朋 0 詩片之目 好 代爲 精 龢 o 聖 等 書 遞之, 法 出 , 場 9 亦昌言 皆傷 或 , 有 至次日 則 才 力之詩 書 無忌 0 卷中 閱 銳 片已 卷命 詩之前 者 意 結 0 大 遞 下 納 到 時

者爲有望

0

自

1餘諸

君

9

自

口知不能

入選

,亦不

作此

夢

想矣

常 旋 知此 傅 觀 **浴字近** 某科 朝 名者 相 , T. 殿 詢 辰 嗟 試卷忌錯落 殺 其家 會元 異 常熟主 9 常熟甚 3 9 爲劉 謂 同輩亦 世 一禮闡 必 9 並 張 可 懊 以 省爲 某 喪 卷 ,實無此功令。特士子懼不能置前列 9 搜張 刊 9 0 , 劉字 拔冠 宿學 下 殺し 季 字糢 葆眞 羣 直 9 戲 小又 士 謇之卷甚 呼之 糊 爲 9 0 亦 藍 延 9 但辨 譽 世 唱 , 頗有 名 力 , 家 \_ 宿 右爲殳 9 0 日而 學 則 某 懷刑之愕 武 房 9 向 名滿 進 得 9 臨 劉 在 蘇 都 試 許 0 用 籍 庚子卷·亂 下 更 毅 9 仙 \_ 故加意爲之。但 名 也 卷 屛 , 逐與 焉 口 0 9 古雅 帥 遍 0 暨 館 幕 詢 9 竟被 選 樸茂 中 諸 0 式 初 房 0 後劉 成 考 名 , |風簷 入 焉 某 同 9 謁 無 邨 0

前 縫之妙 寸晷中 寫 痕 輕刮 列 , , , 迨後 打二 去 始 0 細 先 9 亦所難 一補子 再編 讀 伯伯音 但 復於本 一藝稍 也 書 0 9 法與 生疏 卷閒 殿試 司寇 後謁閱卷鳳竹岡 免 0 處 於是應試者多習打補子, 卷無橫格 , , 屢充閱 或下手微重 9 刮取紙絨匀鋪於上 , 失本 卷差 , 亦有 意矣 司空 0 9 穿紙 謂閱 深意 ٥ ,謂余藝疏 余戊 卷時 成洞 9 戊戌朝考 蓋對 , 以水潤溼 精此道者, 9 ,又謂之開 先將卷扯開 策無限篇幅 而運佳 9 卷中誤書二字 9 9 使之黏 天窗 蓋於進星後 以極薄之刀 9 9 荷 向 0 連 有長策 日 雕 平 有 9 殊有 9 視 佳 9 ,將錯處輕 補 亦 卷 田 9 無 天 處 忍 自 , 即脫 俊不 勢難 |衣無 亩 補 書 綴

値 隨衆往觀, 試 無望於舘選 卷落字 無 上選 忽唱及己名,倉皇中冠服不備 , 試卷偶落二字 ,本不 盡然 , 0 即附注於旁 聞之徐 **頌閣相國** ,借人用之, 9 决 不作問鼎 , 謂渠 在軍 由友人扶而 計 0 機 傅 , 臚 已有 日 上焉 , 適 升 逢入 騰之 落也

**添筆成面字** 。故時有 「閻面榜眼」之誚。按吾鄉秦澗泉殿撰 ,朝考詩題爲 「講易

文道羲試策

,用閶閻字樣,落

一閻字,

**遂書下句之而字** 

0

既覺

9

75

以而字上

見天心得心字」 · 秦乃忘押心韻 ,竟得上選。後經 層勘 上謂狀元有無心之作

主司無有目之人 • 「無心狀元」與「閻面榜 眼」 9 可謂 有偶 矣

觀稱 殿撰 歎 向來殿試, ,首用 9 然 不敢置鼎甲 「主憂臣辱 惟重楷法款式。 0 · 主 唇 臣 進呈 時 自甲午喪師 死 9 列之第九 之語,掃除向來頌揚忌諱積習 • 學國 德宗獨喜其忠憤抗 憤慨 。乙未會試 直 9 9 9 拔之第 閱卷大臣傳 四川駱成驤 ,

異數也。然亦終不得大用。

都 光緒癸卯 兆 武襄惠以定邊將軍凱旋 ,張文襄以鄂督述 9 職 均被此命。 人都 9 特派閱卷故事 故文襄有紀恩詩云 9 唯阮文達元以滇 「阮文兆 八武吾何 督赴

敢,忠孝專求鄭毅夫」之句

明 , 光緒癸卯考各省試差 0 副 蓋次年 爲 劉 彭年 値 孝欽七旬萬壽 0 貴州正考爲張 · 雲南貴 , 樞臣特弄此巧獪以爲媚兹 星吉,副 州二省, 以道遠最先點放 爲吳慶坻 。合四人之名爲 。然以掄才大典 。是年雲南正考爲李哲 明年 吉慶」 , 而事

近於游戲,亦當軸之失措也。

賦

六〇

京 瑣

張 唯 稐 不得大用 張 建 -奢 光緒 勳 劉 春霖 以經營實業起家 \* 吳魯得外放提 0 趙 朝 、王壽 以 , 所取 烱 彭 ъ 劉 、狀元皆不得意。陳冕早逝 9 學使 皆俯 福 , 姚 以視先代鼎甲由清貴而直躋清要 、 已爲· 首入學堂而 -駱 成 多幸 驤 9 皆偃 充生徒。 ,然與捐 蹇終 。黄思永以無罪陷獄 夏復游學東洋 身 納之候補道 , 並 不得開 , 蓋不可以道 9 ·其升: ,畢業亦竟不 坊晉 途正 , 昭雪後 習 里計 相 0 似 夏同 耳 甪 亦 殆 0

梁姓,蓋康有爲之弟子,而梁啓超之兄弟也 督無保薦 光緒 晩年 ,不拘資格 , 有經 ,考取第一名爲梁士詒 濟特科之試 ,蓋等於清 ° 盛時之博學鴻詞 0 或有譖之孝欽者曰: 孝欽甚怒,梁聞而 0 由三品上京堂及各 逃之香港 『此人粤籍而

科

學將廢之先兆

| | | | | | |

爲詩 時 出 [洋游學生,畢業囘國者 云 科舉旣廢之後,湖南 愧無齒錄稱前輩,幸有牙科步後塵 王壬秋閱運,年已七十矣。忽被薦入都,特賞 ,方與考試 。有牙科徐景文者,亦得授館職 0 其語甚趣,此殆詞林佳話之尾 (検討 主 一秋戲 0 同

## 卷七 時 編

矣! 益起 仇外,再致庚子之亂。流離西幸,卒賴數漢大臣 築、和春相機敗績 中國以來,戡定四方,皆以親王貝勒爲大將軍或經略。 之藐視漢族者 一婦人 ·然大亂旣平 ,湘鄉 時無變也,變於人心而已。清自洪楊事平,而疑忌漢族之心轉甚。蓋其入主 ・誅端華 一門鼎盛 ; \_ 肅順 變而 由祗懼而入侈泰 ,乃不得已而用質、左、李,卒成中興之功。然朝廷疑畏之心 一,被忌尤甚。觀於文正末年之惴惴寅畏,可見也。夫以向來 爲疑忌 以清心腹之患 ,則君臣之局變矣。文宗以來 · 天下騷然 ,事娛樂而忘邊備, 。用曾 、左、李,以成中興之績 ,保東南 以致甲午之敗。 粤鼠之起, 賽尚阿 , 成和議,迎駕囘京 因畏外而 。孝欽以 ,功亦偉 向向

六

肼

痛定思 局變矣 。各樹私黨 0 痛 再 ,彼時似有復興之望,未幾而淡忘焉。保持權勢,宵小中之,而宮閩之 世無儲・旁枝 ,互爲傾軋,而執政之局變矣。新署立 入機 ,恭、醇互長於光緒之初 - 宗族、家人並亂於光宣 ,而用人之資破 卑微

下),則臣民之局變矣。總此諸因,造成時局,故謂時變由人心也。

皆有出位之思。都城亂而搶掠之風行,貧苦市民遂起攙和之想

(攙和義見

9

弼 其禍實肇於文。清社亡於宜統,練兵二十四鎮,終不得一干城,其敗實由於 **曹都東西兩門日崇文、宣武。按明緒亡於崇禎** · 易相五十餘 9 卒 一不獲 一良

武,若有先機焉 光緒 乙酉、丙戌間,京畿謠言四起,兵部侍郎王文錦精天文、術數之學

拔,大清、天安、端午、太和諸門 轉與土木,歷史末季,蓋如出一轍也。甲午六月十五日夜,大雷雨以風 能已。庚子之行,謠讖之興,往往而應,自古有之。然不能修德,以轉天心 奏宮中,謂將有西狩之事,於是修儀變殿以居焉。移蹕西苑,以厭謠識,然終不 ,其長皆折而爲兩 宮樹抱合圍者 , 縱橫偃 大木斯 , 而

仆,爲北京向來未有之風災·

結不散,遙望亭亭如蓋。次年值孝欽七旬萬壽 己丑十二月,太和門灾起午刻,迄酉始漸息。舉市驚惶奔走,赤燄摩空,凝 ,復修不及,則由 棚匠紮一假牌樓

將事焉

璃,風搖之,一片金戈鐵馬聲。按此名木甲,相傳爲兵戈之兆。又曰木架, 庚戌二月某日,自燕至汴千餘里,一夜陰雨。曉起則樹木皆晶瑩如玉, 俗云 如玻

木有架,達官怕。

氣二道貫 天。太白經天,天下革,民更王。十月某日午刻,日之兩旁有白氣 辛亥七月,市中喧傳太白經天。按漢書五行志:太白曉出爲啓明 日而過,余蓋親見之。按五行志謂之日生珥,又曰白虹貫日 兩團 0 ,畫見爲經 此 又有白 在科學

庚子兩宮倉卒西行,乘興不及備。德宗著黑紗長衫 ,孝欽、孝定均白葛衣

,不過豪氣之變徵,然適當其時,逐成災異矣

上之理論

裝束如民家,乘破騾車以出。至懷來,縣令吳永,固會惠敏之壻也,奔迎於境

肼

六四

進食焉。其夫人新逝,所遺衣服,進兩宮而御之,始得具湯沐。孝欽感之,卽日

得旨擢道員,隨扈西行。

備 。命其子姪隨扈以西,各予五品官。殆亦等於滹沱麥飯矣 貫市李者 ,以標局起家,固素豐,頗馳名於北方。兩宮過,迎而 進食, 甚具

宮監推垣一堵以覆之。次年夏,始起而殯焉,貌如生。迨崇陵成 珍妃不爲孝欽所悅 ,旣貶長門,庚子變起,孝欽倉卒召之出,推入古井 ,復起金棺 附

於德宗、孝定之旁。

宮駕之出也,鄭王某體極肥重,幾三百斤,平時偶步,須三四人架掖之。是

日倉皇出國門,喘汗相屬,竟死於途。

其子葆初,集家人掘地爲大坑,同殉焉。文臣之殉者,徐蔭軒相國桐、王連生祭 庚子之變,殉難最烈者爲崇文山一家。崇固孝貞后父,又爲帝師。旣自縊

酒懿榮皆自縊。吾鄉成漱泉大令,詞章峻潔,時爲直隸某縣令, 聞變 ·慷慨以

殉。疏逖卑官,視諸公爲尤難已。

明贈 言於 不學 可笑 m 昔見宮中 洋」之幟 iL 無術 饋 如 朝 鷩 拳 此 日 亂 , , 謂 之戲 之起 聞悟空而 為 0 , 或勸 之貢 又北京人好爲 『天下安有許 • 其瑣事 量 ,起於民乎?實起於宮掖間耳。 獻 乏立 9 色變 神 0 仙自 自 已備於各家 一大功以定廢立之局 清 ・上下 多國 上而 以來 大言 度 同 下 9 , 之紀載 自謂 上以之自 , 9 思想 鬼 鬼子之有 天朝 恮 以以 且下而上 9 9 蔔 余嘗推當時朝野之心 9 於是白蓮教之餘學 ,下以 人皆夷 力者 致演成大劇 德宗被幽 9 9 鑼鼓 是貢 祗 狄 京 ٥ 喧閩 諛 津 明 ,大阿哥 0 朔 ---, 固 把子人耳 日 通 9 百 理 9 應 商 愚 立・其 色 得張 收後 昧 0 9 謂 : 奶 當 露 日 來 Z 其 0 之果 歸 時 好 7 0 父 談 其 扶 端 化 某 聽 耳 戲 型 清 , 無 王 明 宣 廿 滅 識

執之由 甚横 部 0 9 方枝 自 , 笑謂 西 【安押檔 悟間 馬監 , 案歸 日 : 監 巾 0 老馬 黑帕 至正定上火車 , 9 怒馬 吾輩皆當差 至 9 9 羣 行 ,不妨與諸先生同 璫 裝 脯 畢 然 角i 日 ? : 有 馬 て催 監 總 者 :乘也。 管來 後 至 矣 , 揮 o 一友人始得 <u>\_</u> 令下 崔 詰 爭

兩

宮既行

9

宮監

陸

續

、赴行

在

9

勢

極

狼

狽

治

廻

變

而

氣

燄

復

張

矣

0

友

人某

9

官

時變

六五

六六

須攙 者, 秋風 變其言曰: 和攙和 南起 多不免綴報紙以蔽體耳。搶匪當與高采烈時,其言曰:『今日無皇上,吾輩 兩宮旣出 ·已狐 『爺輩終是爺輩,孫子仍孫子耳。』 。』其意蓋均貧共富也。迨和議成,秩序定,百工賤役復歸其職 , 京師 **炎滿街。及冬至寒冽** 無主,搶刧之風大盛,貧兒驟富, ,洋兵分段駐守,搶者之資已罄。 衣飾穿著, 皆不 秋著狐 知所云 則 貂 ٥

深。某蓋欲訴其家所受之苦,而辭不達意,當時傳以爲笑 國 世 振 9 」再詢 慰諭甚至。詢其家室安否, 當時五品上實缺官,皆輪班召見。 某部郞 兩 「宮廻鑾,排日召見臣工,泣涕引咎,殊有自新之望。惜久則漸忘,終於不 ,對如初,乃揮之出。蓋當日洋兵,分管地段,而德國所管,騷擾最 某驟接奪嚴, 皇悚失措, 遽對曰: 『奴才是德 國戚也。召見時,孝欽知其家

仍按律定刑書焉 括,曰:『犯人某犯何事,應何罪。』如是而已。迨刑部復審,則不必依其來文 當洋兵分管地面時, 犯人治罪, 仍送刑部行之。余常見其公文甚簡單而明

委頓 孝復 岑西 疆 最鉅 王及 王欲 三犯:一 人 阗 相 竟殁 八知之 1林劾 一殲李家 甚 二子 留 板控 9 庚 a 害 子後 辽 Ŧ 於 嘗 蘇 爲 直 , 9 9 , (二毛子卽敎民) 水縊 笑謂 戍 時 逮 一蒜某 元 刑 媳 + 9 所 訟獄 以 間 春 部 餘 9 之 僅 虐 潚 0 : 口 縣 0 9 相 斃 得免 學人 最繁 沈 定 , 而隸役 沈鵬 傅 名將 養 則 , 並 蘇 女 Ŧ 維 有 ,大率爲報復之事 9 9 横 一凌遲 在 其資 9 新 乘 8 , 名 鎭 被 相 於鄉 志 隙 0 時 妓 賽 顧 收 士 庚子後 逃入京 產 · 二子皆棄市 金花 9 8 0 9 0 9 9 歲聲 李媳 名士, 三人於 近世 與 不敢予 9 9 戚 則 鉅 蘇 時 皆 李 \_ 金 皆正公門矣 酃 於越南 Ě 馬 姓 率 。蓋拳亂時 |以繩 進宮中 月中 天雷」 廻 氏 有 以恃拳作 0 壬寅 戀 隙 9 之役 次媳 連翩 9 0 ·及朝 卒 \_\_ 之春 那 拳 解 書 小李 勢張 亂 入 桐 0 9 ,有隙者動以信洋**教** 頗著聲 貴 其 <u>Lua</u> 獄 , 爲 相 9 以 後 足 卽 少軍 ,馬氏 刑 時 控 9 爲 帶 時 沈 部 敍 9 0 常 奉密 提 王率其二子及 加 其 威 獄 者 中 統 拉 9 牢 事 中 以 領 9 , 叉 殺 旨杖 爲 及爲 最 明 王 0 9 有 焉 賽 閩 爲 奔 慧 維 偉 殺 縣 乏 提 興 勤 0 訴 有 績 蘇 督 卓 歷 盛 姿首 9 杖 芝 案爲 所帶 戍 史 9 , 0 及 新 時 南 爲 收 逮 ,

被逮

間

,莫敢

爲道

地

9

見當

時司法尚能獨立也。

則賽竟接

贖

例

,

解

巴

原籍

,

復質

突於滬。

煙以為時髦美觀。嘗見數乞丐臥便溺狼藉中, 亦檢一殘餘之紙烟, 待之·時人附會,乃謂其隨節時即與瓦有情愫云云。曾詢之賽 妾 庚子鉅創 民,或爲貴人之陷在都城者排難解紛 ,曾隨使節,於西語甚嫻習,既復入風塵 庚子之役,德將瓦爾德西為聯軍司令,踞儀鸞殿。賽金花者,故某公使下堂 以後 ,都人心理由輕洋仇洋,一變而爲學洋娟洋,婦女出門,必銜 · 於是羣奉之曰賽二爺, 實則德將仍以娼妓 9 **逐應德將之召** , ,笑其全非事 頗能相機接 跂足而高眠 一香 實 教難

政 , 更進而爲虛君共和,然皆無實心誠意以行之,徒爲敷衍文章而已,故終至於 自辛丑至辛亥,十年之中,由厲行新政,進而爲批准立憲,再進而爲實行憲

遜位亡家。

焉

體 。而載濤之賀加冕,載洵之考査軍制,相踵而起。余嘗與友人笑言:『今日之 親貴出洋,自載振之考察商務始。 繼而五大臣之考査憲政 ,則以載澤爲主

出 使 , 幾等諸濟初之統兵,一若人才皆在親貴中,非是莫屬者,此何故邪?」

人狀 馬褂 聞 退 盡 9 然一 遍 繼 吳樾炸車之案 ,未及擲放,爲 9 僵臥 m 染桃花色矣 聲 紛傳車上有擲炸彈者 9 9 已氣絕矣 疑為放炮 • 又見舁二人下,一則紹英 ,余以座師戴文誠在行中,亦往送焉。立稍遠 人擠 。吳桐城人,爲吳摯甫之族姪 ,然都城大員出城, 於車門 。俄見二人掖文誠下,又數人掖載澤下, 逐爆發 半身皆燼 無升炮例。旣而見前立 , 則隨員薩蔭圖 9 留 學 東瀛 也 車 9 者, 是日懷炸彈冒 0 站傍 將動矣,忽 則 紛紛向後 有 所服黄 僕

清季之練禁衞軍 一此軍 每 人可 值百 9 眞棘門灞 金 9 獲 上兒戲 吾可致富 事 耳 0 0 \_\_ 服 蓋羨其裝械之精美也 裝鮮 明 , 招搖過市 9 0 老軍 其操 見而 演 亦

,

9

用新法 ,然不脫梨園 武行習氣 0

日 宣統 『皇帝別哭,一會兒就完了。』鳥乎, 之登極 也, 其父攝政王抱之而升 , 其語誠驗。攝政慰宣統語 淨鞭 甫鳴 , 宣統 大 啼 攝 ,蓋近侍親 政王 慰之

聞之,當時以告人者

六九

曲

京 瑣 記

海軍 兩 大臣同 大臣薩鎭冰以艦隊會於長江 武漢事起,清廷 時並 出 9 苟一挫折, 應變,殊多可怪。當時派陸軍大臣蔭昌率陸軍由京 孰繼其後?』 。某君聞之, 曰:『敗矣 ,此所謂殺手鐧 赴漢 也 前 陸

車開動 朝 其實無稽也。 土 /極擁擠 革命 ,乃紛紛携眷引避。自吳祿貞反正之訊達於都下,於是有盡殺漢人之謠 ,英人向佘拱手作華語曰:『恭喜!吾輩脫險矣!』蓋謠傳是夕殺在 軍起 ,尤多西人 然談者色變。憶辛亥九月某日,風信最緊,時余亦率婦孺 9 西南 驛騷 。同座某英人神色極爲倉皇,大率懲於庚子之役也。 ,而北部獨宴然也。自某大臣者倡漢奸之說,於是漢官 赴津 旣而 傳 。車

人及外人也

前,請代奏收囘遜位詔書,勿失祖業,都憲懼,勿敢受。瑞斌遂引双自殊, 必死而卒未引決者,貴東道文悌。 惟宗人府供事張瑞斌者, 投牒都憲張英驎輿 清之亡也,仕宦中變道士服者,寗藩李瑞清。爲僧人服者,大理定正平。誓 此爲

代之終應有之點綴。然但出於府史小胥,愚不可及矣

## 卷八 城 亩

有先定歟?禁城東華西華二門對峙 識。流寇入京,永昌乃爲自成年號。淸兵繼至,順治亦爲淸代入主之紀元。事殆 明崇禎之際,題北京西向之門曰順治, 南向之門曰永昌, 不謂遂爲改代之 然至民國則中門易爲中華 ,亦若預爲之地

者,謂之巧合可矣

外注,宣武門宣洩不及,最易存積,五墩蓋以誌水。若水與墩平,則急須閉門, 其實非也。舊日地勢,內城高於外城 否則不克下鍵矣。老輩所言如是,似爲近之。 宣武門月城內舊有土墩五,俗傳以祭火氏之兄弟五人,曰:仁義禮智信者, 京城西面多山 ,夏秋雨盛 ,則城中之水

L

城

廂

舊

日 1漢官非 大臣有賜第或值樞廷者,皆居外城,多在宣武門外。土著富室

則多在崇文門外 0 故有 「東富西貴」之說 。土流題詠,率署宣南 , 以 此 也。 近人

,乃有飲肆在西長安街

,而署名曰

「宣南

П

笑也

不察

,似以宣南爲京寓之統稱

外飲宴, 前 清 必流連至於夜午 :前三門晚六七時卽下鑰,至夜半復開, ,曰候城門,亦曰倒趕 以通 城 0 朝官。 至清末 故居內城 9 則崇 • 宣 老 兩門皆不 , 如 有城

閉 而前 門獨 下鍵 ,似宵 小入城 ,必須由中門入 9 可 怪也!

9

祖起兵淮陽,塔白如故。燕都遊覽志:『成化元年,於塔座四週,塼造燈龕 北人來作主人翁;塔兒白,南人作主北人客。」』之語 京師 白塔 在阜 - 成門大街。按草木子古今諺云:『元初童謠有:「塔 。元世祖時, 塔焰赤 兒紅 百百 ;明

俗稱煤山為萬壽山,其實非是。陶九城輟耕錄載: 『萬壽山在大內西北

八座,相傳西方屬金,故建白塔以鎭之。」

液池之陽,金人名瓊花島,中統三年修繕之,至元八年賜今名云。」 按,即今北 大太

退食筆 后升 海之「瓊島春陰」者是。明宜宗實錄: 『宣德三年春,奉皇太后遊西 一萬歲 記 謂 山 . 0 \_ = 玆 時 山所 楊文貞 叠石 、李文達皆有賜 9 皆金元故物 遊西苑記 9 或本艮岳之石 9 亦皆稱 9 金 邁歲山 一人載此 ٥ 自汁 高江 苑 親 至 村 被太 金鼈 燕

准糧若干,俗呼折糧石云。』

鉅產 南 巡 破矣 至某 圓 明 地 虚 0 此語 舊 9 見二石 有 二石 固 亦 無可 愛之, , 日大青 考 而惜 0 石 . 小青 其難 上皆有高宗題詠 移 ,故老相傳 0 有某富家 , , 或呼爲 其互偉亦殊 願悉家資運之,二石 「破家石」 可 驚 0 小青 0 至 謂 今已移 京 清 高宗 9 而

# 置中央公園之來今雨軒。

亭, 中供玉佛一, 睥 0 睨 當時 按 團 Á 城 臣工 今殿之丹墀置大玉 被 即清之承 洞 高與 一題詠甚 門而 人齊 光殿 升 廖 , 中 也 0 0 相傳爲嘉慶時 盖 構 9 高江 高宗 甕, 金殿 黑質 村筆 駐 鸡 蹕 台章 烟 窿 記 郊時 加蓝 75 載 : 9 其玉材之偉 藏所貢,凡三:一供大內 9 9 -得之破 華 在 金鼇玉 檢 綺 廟 牖 1 鰊橋 + 中 9 旋 , , 事 之東 轉 爲 見嘯 如 世 環 , 罕 亭 圍 9 見 俗 以 • 雜 o 圓 鍅 供 1 圓 城 e 雍和 一覆以 又 殿 , 殿

城廂

七三

宫、 一則供團城 ,故江村記中未得載之。

炮總 立塔建寺 管 十月二十五 京師 隸內務 , 樹 白塔有二:一在阜 碑 。蓋大內以萬歲山爲最 山趾。康熙己未 成門內 ,地震塔毁,次年重 密頂 ,一在北 高 9 內外 海。按順治八年、毀萬壽山之亭殿 經其 有營 建焉 以白塔信炮相 0 清會典載: 告 設白塔信 0 又清

制

日,

自山下燃燈至

喇喇

嘛

呕

下

城郭之變遷,今人呼琉璃廠爲海王村 保寗十年六月一日薨於盧龍坊私第,葬於京東燕下鄉海王村。」 史大夫上柱國隴 廠密戶掘得古墓 今之琉璃廠 西李公墓誌銘」 ,有志石,題「遼銀青光祿大夫檢校司空行太子左衞率府 9 卽 遼之燕下鄉海王村也。 · 其文曰:「公諱內貞,字吉美 ,蓋始於遼 考朱笥河文集載 , 乾隆 嬀妠 以此可見京師 三年 人 也 率 , 。以 琉璃 兼御

尼波羅國人 兩都名刹 西華門內之劉蘭塑胡同在後門外,即劉元之故居也。考元史工 ,塑土範金,出元手者,神思妙合 ,授人匠總管。有劉元者,從阿學,亦稱絕藝。』元字秉元, ,官昭文館大學士,嘗奉諭 一藝傳 : -寶邸 阿尼

### 有 旨,不許爲人造像

談往 通微佳境」 云 順 治門內之天主堂 利 馬寶大西洋人,入京師建天主堂於宣武門內 予初入京,猶見之。至庚子被燒改建,始去焉 ,明萬曆爲利馬寶建也。利後封通微國師,故大門題額 , 卒於萬曆之庚戌 。按花村看行侍 , 以

者

陪臣 禮 9 葬阜成門外三里許 •

人倡 爲捐土之議 談往又載 . \_\_\_ 9 都城男婦筐擔車運 西城藍靛廠, 萬曆間始建西頂娘娘廟於此 ,囊盛 馬駄 ,處女妖姿 , 身坐轎 地素窪下 中 9 各懷 , 有狂 1

袋以邀 福 利 時若狂 。然不數年 , 逐有遼陽 捐 地之事

有 遺 址尚 大光明殿今但名之曰光明殿 極 寬濶 耳 ٥ 按 ,清世祖 ,在西安門內 逝世 9 顧命四大臣索尼、 0 昔日建築甚 鰲拜 宏麗 \* 遏必 後並 撤廢 隆 8 薩克 但

9

,

薩哈 同 來 焚香 ,盟誓於此

云:『自西域傳至中國,歷二千六百五十六年。』今此佛不知何往矣 旃 檀寺舊名宏仁寺 ・康熙 時 迎旃檀佛居之, 俗乃呼旃檀寺焉 。有御 製碑文

廂 七五

城

武宗 西 旃 |幸宣 檀寺之西 府 , 悅樂伎劉 9 有腦禧 心殿舊址 良女 , 載歸 。聞當日覆以黑琉璃瓦 9 居騰 禧殿 0 出入挾以自隨 ,俗呼爲黑 9 有 老 婆殿 馳 馬 失簪 按明

後 請 賢碑墓著交該 修 事 刻 毁 9 9 魏璫 李 有孝官孝孫等六七十人姓名。 兩璫皆立塚 西 山 笠 碑額 I 碧 雲 寺 翁 王 城官員 搔 , **%於是。** 其大略云: , 頭傳 元之碧雲 奇即演: 仆 然于下 毀剗 平 此 庵 --1 香山 獄死 事 9 耶 0 其傍方王 按 乞卽飭立 碧雲禪院 阿利 9 魏戮屍 魏 古 所建 墓道雖經剗伐 小其碑 一媽媽井 呼于公寺, 9 皆 0 不得其終也 明 9 , 內 剗 今則並 璫于 詢之土 平 遺址至 其基 經拓爲 遺址 0 康熙時 0 人 今猶 , 示 寺 奉旨 知 可 在 逆 9 薄 9 也 璫之墓碑 御 魏 矣 史 忠 魏 張 賢 忠 瑗 重

炭 一月中過之,梅十餘株與杏花同時開放,惜皆近年補種, 作玻璃 北 京 梅樹 亭以覆之。 無 地 裁者 城外則惟湯山之園中有之, ,以地氣冱 寒也 0 城中 ·惟貝勒硫 地屬溫泉,土脈自 朗園中 無巨 本也。 一株 9 池 暖 蓋坑 中 0 余嘗於 荷錢已 地 熾

0

9

9

日三海等處 ,皆爲禁地。夏日南人好水,嬉者東則東便門外之二閘

(即通

亦關地氣

散暑 城 佳 惠 中 景 閘 則 9 ٥ 消 爭 北 趨於 受荷 則 赴 通 德勝門之積水潭 + 州之河道也 風 刹 9 士 海 流 9 樂之 荷 田數頃 0 河流 0 0 厥後 南 如帶 9 則彰儀門之南 水鳥 種 荷 9 翔集 破 人索資於會 級艇三五 , 隄北 河 泡 篙 賢堂 有會賢堂 9 高 人裸體 柳 9 不滿 長槐 , 9 所望 爲 赤 9 百 讌 稍 中 集 有 9 乏所 江鄉 プケ 撐 壅 舟 m 風 9 9 憑欄 殊 爲 景 稻 無 0

田 , 殺 風 景矣

論 視 秋而 去 各物 貨價 0 詢 集 外蒙 之 , , , Ħ. 肆 有 賓館 如 他 人 忭 鴻 羨 H , 雁 9 音 必 會 意 然 再 見 Ħ 0 9 來吾肆 竊 福 在東交民巷北 者 婦 晉 否 見 郡 主亦 小 , , 洋錶 所得不已多乎?』蒙人之愚 E . 至 者 焉 9 竊 見之矣! Ħ 0 懷之, 昔於荷 內館 9 ·
思
其
不 在 肆 包巷 人若 黄寺傍者 見數蒙 竊耳 無 見 族 日外館 , 0 0 彼輩 與 俄 貴 婦 是此 H 單 人之狡 9 ٥ 高 年 有 購 懷 物 班 車 如 挾 面 王 , 公 是 溫 匆 9 卽 匆 9 9 遍 迨 不 而

碑 法 源 碑爲 寺唐 之憫 史思 明 忠 觀 書 也 9 其結 0 丁 香最 **衛**爲御 盛 史大夫幽 中 有 石 州 幢 太 7 爲遼代 舊物 壁嵌 唐 蘇

,

9

9

靈芝

京西 花之寺其名甚雅 城 9 而無故實可考。頃讀 「天錄識 餘 謂青州 亦 有 花之

廂

七七

寺,亦不識其命名之義

薩 , 責薄待后家云云 長椿 寺向 .藏九蓮菩薩像,蓋明神宗后像也。明思宗小皇子病篤,時呼九蓮菩 。見明史槁 • 寺院楸二株最高,花時遊人甚盛

此圖 繪玆圖 民以供思宗神位之處 押之質肆 崇效寺最古,唐之棗花寺也 ,蓋有感於松山杏山之役也。 0 庚子後 0 舊藏有靑松紅杏圖 流轉入楊蔭伯京卿手,卒歸之寺。又有馴雞圖 。牡丹最盛 自淸初 ,當明鼎革 9 , 爲都門遊覽之一 名人題詠都遍 9 有邊將者出家於寺中 ,厥後寺僧不 。寺舊 爲明之遺 , 無足 肖

觀

觀 巷外車馬甚盛。前門改建後 前門 左右 ,舊有東西荷包巷 ,始盡撤之。 9 顧綉荷包諸肆 ,鱗萃櫛比,朝流士女,日往遊

黃土。原與地平,日久則居民爐灰亦均積焉。日久愈甚,至成高壠云 雨 泥滑 北京 :,往往翻車,其勢甚險。詢之故老,云:此本輦道,其初駕過 街市在未修馬路以前,其通衢中央皆有甬道,寬不及二丈,高三四尺 ,必鋪以

,

日 道路不治, 雖有御史任街道廳 ,工部任溝渠,具文而已。行人便溺 多在

曹便旋於道 偶 有 風 9 適街 属御史 廳 過 ,亦往往一 9 呼而 杖 懲治之, , 部曹不 但頹風卒不 敢自明爲某官 可挽 9 御史亦 ٥ 光緒時 不詢 其 何人 聞 有 某部 , 杖

畢 , 繁裩 而 去, 人傳以爲笑

但清晨令人汎掃 大 柵 欄 之同 仁堂 , 生意最 盛 ,然其門前 爲街人聚而 便湯 之所 ,主人 不爲忤

昔 有 計 偕 人 而已 戯 為京師立 0 蓋惑於堪輿家 醫方 言 ,云:人 , 謂其 中 地 黄 爲 百鳥朝 人中 白 鳳 9 最 牛 澳 發 旺 馬 云 勃 ۰ 竈 L

\*

ď

8

,

土 ,各等分 , 無根 水調匀之 , 用日曬 乾 , 車 輪碾爲細末 9 西 北風送入鼻 म्ग 服

之,令人名利之心自 【然消 滅

甚 1 9 北 所 京 謂 街道 大 明豫者 雖 不 治 , , 皆用互 然古昔之工 石砌蓋之,工極 一程則甚 備 0 各通 堅固 獨皆有 , 數百年 暗 來未嘗敗 溝 9 以資 也 宣 0 洩 自 修 水 爲 患

馬路 行人不 9 ·愼,往往滅頂 往往 一段棄 舊溝 9 , 亦殊可懼。昔有戲爲月令者曰 經 盛 雨 , 汪洋在途矣。 舊 例 :『是月也, , 四 月 開溝 9 臭溝 則 穢 開 氣 外洩 9 闥 墨

城 廂

七九

出,舉人化爲官,「來」乃發聲。』蓋呼僕曰:『來!』官體也。亦是惡謔。 舊 京 瑣

記

八〇

## 卷九 市 肆

謂黑市者,在騾馬市一帶,夜四鼓而集,嚮明而散,其中詐僞百出 五之白塔寺,七八之護國寺,九十之隆福寺,謂之四大廟市 京師之市肆,有常集者,東大市、西小市也。有期集者,逢三之土地廟 ,皆以期集。又有所 ·紀曉嵐筆記 , 四

前門大街,以至東西珠市口,清末始有之。

**所云:『高麗紙綴爲裘** 

,泥製醬鴨

。』蓋自背爲然,近已爲官廳禁止。夜市則在

與某旗下友人約赴城外觀劇 『甚抱歉 銀號首推恒和 ,需稍候也。」 0 恒肇等四家 ,此友已更衣入內,久之, 詢其故,乃憤然曰:『帳房可惡,竟以烟蠟鋪之票 ,謂之四大恒。居人行使銀票,以此爲體面 俄聞詬詈聲出 則囁嚅

市

肆

舊

與我 誤佳劇 (彼時烟蠟鋪亦兼兌換,並發行銀錢票) ,奈何?』 友則曰: 『此無奈何,余豈可以此示人?』久之,僕返 ,故痛責之,已往易矣。』余曰: 則

嶄新之四恒票,始歡於而出。

於燈下取出玩弄 當 時 某樞臣好積四恒票 , 以爲娛樂。 ,百金一紙,萬金爲一束,叠置平正,硃印鮮明 已而不戒於火,屋中成束之四恒票並付祝融 9 四恒 ,時

存款取息極微, 又有柳泉居 者 都人以其殷實可靠,往往不責息。有存款多年,往取而銀之原封 , 酒館而兼存放 ,蓋起於淸初,數百年矣。資本厚而信譽堅 ,

家乃大獲利市

曾未動者。

舖,亦兼兌換業,並出錢帖,往往出帖旣多,隨時關門。而有一種人游行街巷 知之,且有外任之望,此輩錢鋪,隨時接濟,便利殊甚。 其下者爲錢鋪 ,外城則專與漢官往來。彼時朝官有定員 ,官之資格,鋪 又下則有所謂烟蠟 人

曰收買關門票,以少數之錢收集之。及收集將滿,則又報復業,此奸商之尤者

速宣統定鈔幣法,此弊始除。

掌鋪 衣草 往往 以 起 兼 放款 能 9 - 屩若 而 業 者 通 金店 | 兌莊 有 0 此 內 , 交結 村民 郎京 者 線 者 0 莊 亦曰 初 9 , 官之有外任資格者 亦作 ,大 之執事 莫 官 走 票莊 場 要 不 津 金 抵 利 9 珠 數 市 諳習儀 9 9 0 皆爲 皆 貿易 苞苴之入 日即行 倍 Щ 財東之戚友 西 節 9 , 至 人 然皆非其本業 0 , 一捐例 起居 莊夥之衣服皆 , 9 9 皆 亦以奇貨居之,不惜 交游仕宦 大開 服 由 此 飾 9 故不虞其 握 9 9 ,最爲闊綽 也 同 0 變而 爲公物 於 故 9 貴 金 故濺者曰 、逃匿 人 店之內部 爲 捐 9 0 納引 預爲 在光 及 。有外放官吏,百計 ٥ 東 去 接濟 職 家 緒 見者之總 \_ 9 間 金店 季年 必 9 分設 仍 歲 0 然失 之金 以 9 來 各種 捐 布 滙 敗者 衣歸 櫃 查 , 0 巡 在 其 捐 焉 營圖 E 也 其 例 0 9 其 布 亦 者 招 並

捜 人 不 蓋 綢 兼辨 厭 緞 不倦 肆 內 率 爲 廷 9 貢 菸茗供應 Ш 東 品者 人所 0 設 各大 9 趨 , 走極勤 (網肆 所 稱 必無售洋貨 祥 0 1 有陪談者 號 多屬 , ,遇仕官則 其接待顧客 孟 氏 0 初 言時 惟前門 至 有 政 禮 之泰 9 衷 遇 婦婦 9 昌 女則炫 挑 爲 選 北 京 翻

牌上

所

贴之金箔

0

肆

市

八四

新奇,可謂盡交易之能 事。較諸南方鋪肆,訑訑之聲音顏色,相去千里矣

備 有 , , 復招多股 如今鴈上之先施等公司者然 福壽全者 ,創爲大規模之商 ,津人閻某所設,在大柵欄,始於光緒末年 ,可謂得風氣之先矣。 」肆。自綢緞洋貨,以至中外之皮革竹木 然用戶之欠貰 。閻本官中 書 , 器 鋪夥之偷 家 具 無弗 頗 富

漏

,

閻

!雖終日在肆監督之,卒以折閱破家

至投河而自戕焉

流 西 人,而 ,均爲魯籍 北 京工商業之實力,昔爲 網緞 。蓋北京土著多所憑藉,又懶惰不肯執賤業,魯人勤苦耐勞, 、糧食、 飯莊皆 山東人 山左右人操之。蓋匯兌銀號 。 其人數尤衆者爲老米碓房 、皮貨、 、水井 乾果諸鋪 淘 皆山 取而 厠之

代之,久遂益樹勢力矣

家爲教讀,遂握有滿族之教權。於是旗籍人家無一不破產,並其子弟之知識,亦 久,遂握有全部之財權。因債權故,確房掌櫃之鄕親故舊稍識之無者 勢力遂入關內。然其衰也,亦由之。世族俸銀米,悉抵押於老米碓房,侵漁逼勒 昔有旗籍友人告予云:『滿清之盛也,漢軍人多爲魯籍,至皮島四將歸 ,率薦 入債 , m

#### 無 不 破產矣。』 語雖近激,亦非 無因

老米鋪 權說 家人 Ż, 育孤 有不得已之酬應 叱之,儼然尊長 寡 昔居 歸述之, 日 -秋俸不將至乎?』 誠 9 9 錢 俄 內城 可 = 姑 糧 信 ----相敦 少年至,視之卽隣家之所謂某 持 算 隣 去 盡 , 9 咤 仍 始 人某 9 , 知汝 尙 以黑 乞老叔拯之 0 俄 不 , 鋪掌冷笑日 滿世 須 酬 而 9 次演探母 所費 繼以詰 鄰家大鼓聲與嘻笑聲並 鄮 也 0 也 <u>\_</u> 也 0 9 9 C. 鋪掌 少 起居 市 少年 年 \_ 井 駡 側 秋俸乎 闊 立謹 大爺 綽 日 惡罵指逛客 窘欲泣 如府第制 ?汝家 受 省 -作矣 吾安有錢塡若 9 9 0 見鋪 俟威霽 錦掌徐 • 也 0 --噫! 侯二佐 長執禮 檢松 始 Ħ 0 ·然則 <u></u> 囇 9 少年 江票 無底 嚅 若 余家人偶 9 蓰 領 言 子 感謝 房 74 世 壑 姪 : 9 握 兩 職 9 ---1 今 滿 至 持 俸 而 9 少年 街頭 人財 去 擲 Ħ 鋪 9 養 叉 ,

往過 於 琉 一士夫 璃 厰 爲書 0 余卜居其間,恒調此中市傭亦帶數分書卷氣 畫 • 古玩商鋪萃集之所 0 其掌各鋪 者 9 目 。蓋皆能識字 錄之學與鑑 別之精 ,亦彬彬 9 往

市 肆

有禮

衷

٥

,

八五

八六

獨 |脚蓮,土兒胡同同德堂之萬應膏 角膠 樂肆有專售秘製一種,傳之數百年成鉅室者,其可數者 , 皆以致富 此外熟藥鋪 9 ,則菜市 觀音寺雅觀齊之囘春丹 口之西鶴年堂、 ,如醬坊胡同之莊氏 大栅欄之同 ,庭犄角胡 仁堂 同雷萬春 , 每

年所作資丹,行之各省,亦至鉅萬。

集之所。宴舉皆記之帳,並可於櫃上借錢爲遊資,亦弗靳也。三節始歸所欠,然 筵席、銷陳、戲劇 酒肆之鉅者曰飯莊 • 切包辦,莫不 ,皆以堂名, 如慶壽 如意。其下者曰園 、同豐之類是也。 館 . 樓 人家有喜慶事 、居, 爲隨 意宴 ; 則

非至年節,索亦弗急

讀 善烹調,恒自執爨,於是所作之肴曰吳菜。余嘗試,殊可口。庚子後,遂收 南 人固嗜飲食,打磨廠之口內有三勝館者,以吳菜著名,云有蘇人吳閏 生閣

歇矣。

藥 日潘魚者·出自潘炳年 士大夫好集於半截胡同之廣和居 。曰曾魚,創自督侯。曰吳魚片,始自吳閏生。又有 張文襄在京提倡最力 其著名者爲蒸山

內 市 市 , 先經 豚 之正陽樓 內 IF. , 陽樓 肆 中 ,以善切羊 棹椅皆白木 之挑選始上市 肉名, 9 洗 9 片薄 滌 故 甚潔 獨佳 如紙 9 9 旗 然價亦倍常。 無無 下人喜食於 一不完整 城內 此 0 蟹亦有名 缸瓦市有沙 ٥ 盤自 鍋居者 勝芳

月 盛 齋者 以 **停**糖羊肉 出 名 9 能裝匣遠 賷 9 經 數月 而 味不 變 0 鋪 在 戶 部 街 左左

日二葷館 者 9 率 以 平 民 果腹 之地 0 其 食品 不 離 豚 雞 9 無 烹鮮 者 0 其 中 佼 俊 者 爲 煤 右皆

官署

0

此

齋

獨立

於中者數十

车

9

竟

不

以

公用

微收之

,

當

時

官廳

猶

重

民

權

也

o

市街之百景樓,價靡而物美,但客座嘈雜耳。

百年 T, 屬 取得之, 所 T 部 艷 卽 清 又 羡 爲 時 9 然後 或線 有 核 土木 , 有樣 實 Щ 子 以續 內府 İ 0 張 子 内 多 者 雷 城 估 0 , 取盈 宅 殿 者(樣子京語卽打樣之意)年 \_-9 以 第 I 延日 程 堆 , 9 續 其 欽工 出 Щ 估過於原估往往數倍 石 曾筦工程者 9 著名 丽 9 主 陵 者之家 寢 9 皆屬於木 9 陵 多爲 I 9 木 9 官署城 廠 最 木 廠 廠 久 厰 商 , 諺謂 報 商 人 , 之包工 蓋 效 鹰 垣 始 也 集 日 「十包九不 於 官 ٥ 0 也 清 木 I 其 初 廠 ٥ 0 先 或 商 , 也 盡」云 長 之富 用 由 9 最 子 欽 低 孫 實 數 派 價 者 爲 成 9 以 或 數 部 到

市肆

八七

7

總會日九皇 京師 |瓦木工人多京東之深、薊州人,其規約頗嚴,凡屬工徒,皆有會館 0 九皇誕 日 , 例得休假 9 名曰關工。 劇園 飯館 9 坑谷爲滿 9 統名之五 , 其

行八作。工人值陰雨停工,名曰挂碓。

亦與焉 、婁某 質鋪 · 洋兵禁之· 弗止 九城 。一人恒管多處 凡百餘家 3 取息率在二分以上 ,則鎗殺搶匪 ,曰總管·庚子之變,貧民 ,而裸其婦女以辱之。未被搶者 0 鉅 值者亦得議減。業此 相率 而搶質肆 有 , 貧家 名者 婦 , 女

有半耳。質肆歲以正月查其滿期之貨,估衣行咸往購 取,謂之號貨

皮貨估衣集於前門東之珠市口,以迄打磨廠。其曰

東大市者,爲估

衣陳列之

地 曉集午散 ,許爲百出。皮衣糟朽者,以紙或布貼其革表而出之,曰貼膏

同行議價,互以手握於袖中示意焉

西 四牌樓者曰嫁裝鋪 木器 亦集於東大市 ,並箱橱奩具亦備硬木,率爲染色僞品 ,率爲舊式 ,檀梨硬木往往而有 ,皆舊家所售也。其在東

酒行在崇文門外,向來為二十家,皆領有商帖者。凡京東西燒鍋所出之酒

皆集於是。近日凋零,不及十家矣。崇關酒稅重,故私酒之販亦夥 不在酒行之例 至有以婦 女行之,用猪脬灌滿藏於私處者。其售紹興酒者曰京莊 別 ,百出其技 有 南 酒鋪

閣起 筆單亦備。在昔科擧時稱極盛,科擧停後 之筆;陳寅生之刻銅;周全盛之摺扇;雖各設專鋪 至,有所取法。又召集各省巧技匠師爲之師資 書之款式 一而代之,自餘諸家皆爲後起。製造之工,染色雕花 南 京師工藝之巧,蓋萃南北之精英而成之。 紙 鋪 ,試卷之光潔 並 二集於琉璃廠。昔以松竹齋爲巨擘 ,皆非外省所及。詹 ,漸凋 大有、胡開文之墨;賀蓮青 ,紙張外兼及文玩骨董 ,故由內府傳及民間 歷代帝都四方筐篚之貢 零矣 ,南紙鋪皆爲代銷,書畫家之 9 精潔 而雅緻 9 成 0 9 , 至 厥 風 , 後 李 於 梯 尙 官文 清秘 航 矣 王 田 並

取四方所貢之名花異卉悉置於是,而徵各省之花傭收養之。又稱漢花園,在今大 爲護國寺。士夫公退,驅車過訪,自選名葩,誠爲韻事 市 間 .花事,城外舊集於崇外之花市,宣外之土地廟 0 9 昔有南花園者 城中則東爲隆 , 福 蓋清 寺 ,西 初

市肆

學堂 一,已夷爲民居矣

於中 璨耀 陵散矣。 打磨廠之三義店 家 目 南京人在北 江寧織造選送以爲教習。 聚處琉 , 。昔日玻璃未 今緞 昔黄愼之創工藝局 璃廠 、扇、羊燈之業皆廢 京執 日 ,今獨世其業 扇莊 盛行,宮中用之以防火 工商業者曰緞莊 ,亦祗 · 曾訪得之。惜其工費太鉅 又織紋 。又有織工 二家,日周 ,而一般工人亦於此長子孫 , 凡靴帽之材皆聚於此 氈者 . 患。 曰刻字鋪與 全盛 ,亦南京人,能以金綫 ,昔內府設綺華館 、曾萬聚 ,不克推廣 0 八眼鏡鋪 。初僅 日羊角 成 ,聚南方工 工著矣 燈店 夾絨織之, 三家 ,此藝遂成廣 , 其工人皆籍 , 9 所居在 一人教織 惟 吳姓

業 年, 何事 。憶余當日所支之部款 , 始克成立。迨條例旣已頒行,商人始恍然於有利無弊,一年而報成會者十餘 商會之設,始於光緒三十年,時余官商曹 甚且謂將 飲捐 ,疑畏不敢前。余乃就所居廳事,月再 ,月僅四十金也,今則遂成法團矣 ,承乏其事。 北京商 召集,誘掖 ٥ 人初不知 獎勸者半 此爲

舊日都門市肆,亦頗留心廣告之術,特極幼穉耳。如黑猴公之帽鋪,櫃上踞

大黑猴;雷萬春之鹿角膠,門上挂大鹿角;某扇鋪之簷際,懸一大扇;皆足引

互稱老鋪,爭執可噱。

人注意。他若刀剪鋪之王麻子,酿藥鋪之馬應龍,則轉相仿傚,各不下數十家

肆

市

九一

舊原瑣記

## 卷十坊曲

崑劇一齣,而聽曲者每厭聞之,於時相率起而解溲,至譏之爲車前子,言其利小 水也。迨於清末,秦腔盛行,促節繁絃,哀思噍殺,眞亡國之音矣。 自崑弋變爲皮黃 都 :中戲曲向惟崑弋,弋腔音調雖與崑異,而排場詞句大半相同,尚近於雅 ,雖鄭雅有別, 尚不失雍容揄揚之概。其時各園於中 軸前,必有

爲均枯菀也。戲價則每座祇京錢一千三百,視今日之名角登臺,一 班如四喜、三慶之類 劇園向聚於大柵欄肉市一帶,舊紀所載方壺齋等處,光緒初已無之矣。二簧 ,秦腔如玉成、寶勝和之類,皆於各園輪演 , 座輙須一・二 四日一轉

者,固非舊日名伶所能夢見也。

坊

曲

九三

九四

有戲 無過 上座 戯 繼起 提 臺 調 1-不 堂會演戲 9 金者 佳 m ٥ 9 支配 江西 人家 而 0 折扣之, 鑫培 9 角 館尤爲後進 喜慶,往往召集。 多在宣外之財神館、鐵門之文昌館。其大飯莊如 色 8 , 謂之打釐 桂芬繼起 排列先後 ,率爲 ,較增價值 0 9 堂會所 指揮 至光 士大夫團 如意 緒甲午後,則湖 入較劇園爲多, 心,無敢 拜讌集之所 9 亦祇二十四金而 争執 廣館 0 ٥ 堂會演 然當長 伶 人所得資謂之戲 、廣 止 庚 劇 州 9 新館 福 9 、三勝時 壽堂等 必有 迨後日益增長 . 全断 主持 分 9. , 者日 會館 亦各 齣 因

耳

科 皆隸於廟 9 專門學 梨 梨園舊人 園 ·故同業相 所供之神 戲 者也 · 頗知守分 · 昔見愈菊笙 0 9 羣呼 日私 爭而判曲直 坊 白 老爺 9 雖亦學戲 日上廟 9 廟 日 精忠 、李順 ·其本業則應招侑 。子弟分二派 庭輩 9 居平常服青衣 酒 , 9 日 所謂相公是 科 班 ,年六七十 9 入 也。 班 而 坐

時 屬 ,其祖母年八十矣,見而大慍曰:『此命服也,顧汝何人 途遇官車 ,俟過乃行 。國與之五九,當新 , 婚時,用冠服叩 乃敢僭用 , 返褫

見拿

,

,必垂手側立

豊

中。 已出 榜下 前事 吳至省逾限 京矣 ; 以 携 相公中頗有尙俠之風,固由感激恩私,實亦戲曲中漸濡之化也。狀元夫人之 ,早在人口 小杂更爲覓函送之歸,此事蓋 歸 , 知縣 薰沐解裘衣之,爲之奔走權要,覓書 , 日大風雪 例應白簡 分江西。歲暮矣,猶眷戀不忍去 ,即後來梅巧玲之歸葬某君 ,當道以重要人託 ,遇之途 , 猶西華葛帔也 余親見之。 ,優容之。 ,五九之纀被關山送張樵埜之遠謫 , 。憶戊戌年有進士吳某昵楊 衣囊 以屬贛之當道 0 執 吳復請餉差來京 亦馨 手 汝然 0 小朶屢資其行 , ,親送之津 詢其踪 則 , 又 前 在 色 小 流連 杂 别 破 , 謂 廟

由 色藝, 北 好 京人好唱二簧,於是有票房之設,票友之稱。自親貴以至富厚家子弟之好 事 而家 者每於春闈放榜之先,品評梨園子弟, 世尤爲重要。乙未狀元之朱素雲 , 戊戌狀元之王瑶卿 而定其甲乙,謂之菊榜 , 皆世 0 家 優 劣固 也

九五

坊

K

遊蕩者,往往入焉。有約謂之走票,淸唱謂之坐唱,上妝謂之彩唱。既登臺 有餽遺,謂之吃票。至於登臺賣藝,謂之下 內外場之犒資,皆由自備,往往因 一而破家。其技佳者約票, 海 主人代備犒資 , 而暗 ,則

數十年 **憤而教其二女,遂負盛名,登臺而賣藝焉。日御一馬車,挾二女往返戲園** 撒火彩者 因走票而破家者比比 , 技始 ,蓋即戲中鬼神出場 成 , 而 鉅萬之家破焉 。最可怪者內務府員外文某,學戲不成,去而學前 9 必有人以松香裹紙撒出 。又有吏部郎玉鼎丞者 ,火光一 9 世家子 瞥者是也。 ,學戲不 9 顧盼 成 學之 場之 ,

豁 魏要命」 昔日票友有魏耀亭者,習花衫盡態極妍 票友多學 ·又有陳紫芳者 生淨 ,習花旦者殊鮮,以受侮太甚也。內行稱花旦之肯吃虧者曰捨 ,亦有名,年六十餘猶粉墨登場,扮五彩輿、梅龍鎭諸 9 其肯捨豁過於內行, 羣呼之曰「

漢人走票者,率爲各部科房人家之子弟。有孫瑞卿者爲票友前輩,習青衣

劇

如好女子焉

紫雲 ,均祖法之。其後有喬蓋臣 、貴俊卿均習生, 皆道勝銀行夥友也。

俊卿後遂 **愛本業** 3 而 賣藝於滬

活, 好閑 昔會聞 至快書之張 花亭夜宿 有奎弟老者 奉宮中 善說 子弟 京 9 習爲 師 刑 9 以爲 雜技 部友 聊齋 之類 班者 娛樂 某 9 一教習 亦貴家子 ,所 人壽 9 9 , , 大鼓之劉 併 詞 皆靡靡之音也。 ,後乃走票,不取資 芁 君歌 較 ,某王惡之, 唱爲八角鼓 雅 角 鼓 馴 ,易裝登臺 寶泉 班 曲 0 此外 , , 統謂之雜 至今思之 、快書 9 乃轟出焉 則 如榮劍塵 單絃有德壽 專 ,直似好女 門賣藝者 9 ,名之日耗財賣臉 岔曲、單絃之類 耍 0 9 0 立班 其 以八角鼓著名 Щ 中 0 ٥ 9 盆曲 之始 所演 種 亦內府官 種 有所謂 則已成廣陵散 9 9 如 0 。昔有抓髻趙最有名 蓋富貴 抖 至於末流 9 9 通文墨 空 皆子弟 摔 鏡 鐘 人家子弟 架 . 要花 而 9 , 9 9 逐成 音 後 黧 下 調最佳 亦賣 罎 海 王 一段業 者 悲 9 技爲 游手 秋 踢 也 , 供 鞬 , 0

子, 也 繼之曰萬 皆有獨到 之技 人迷 0 0 有說 又有百鳥張者 笑話 者 H 窮 9 不怕 其學鳥獸音足以亂眞 滑稽突梯 9 不 可 方物 0 厥後有戯迷華子元 9 蓋柳敬 亭之流

8

坊 曲

者 9 學各名角 之音調 , 非 惟 曲折 畢肖 , 並其 (疵處 , 亦摹做之,可 怪 也

ル

西 城 研 塔 胡 同之口 袋底 9 昔爲 內城 臧 嬌 之所 • 家不過二三人 9 門 無 雜 賓

媵 王公貴人 多取材 9 於此 不 能 出 9 [6] 城 作 無留髠之例 狮 游 者 趨 馬 0 屋 0 中多有 此 中 養 密室 女 , 9 必数以貴家伺 鎚 艦 迷春 , 劉阮 應之節 不 易 入 豪門 也 光

絡辛 卯 日 間 雲香 9 瀾公管 班 9 皆其 1少軍 變 9 奏令 象 0 其中 驅除 名花 9 多輟 ,皆受另一 業者 0 庚子後 種之調教 ,多移 9 固 m 別 樹 有 幟 城 風 節 外 也 9 日

城 曲 院 9 多集 於 石 頭 胡 同 , 王廣 福 斜街 小小 李 紗帽 胡 同 9 分人 中 小 級

其

E

者月有

大鼓書

、影戯二次

٥

客例須設宴

,日

擺

酒

實

(則僅

果四

盤

瓜子二

酒 壺 9 而價僅二金,犒十千。飛箋召 妓日 叫條 子 9 妓應招 日 應條 子 , 來但

嫼 坐 不 2 取盤 予以資 中瓜子剝之,拋於桌上而已。 。惟至有 大鼓或影戲時 ,須擧行擺 少頃即去,日 酒之典禮耳 告假 。客 有 所歡 , 雖 日 數

妓家又謂留客曰大日子 曲 + 呼夜度資日 . 炕錢 , 實則關錢之誤也。宋元 ,昔在秋曹 9 辦現密時 人謂 9 曾檢妓家賬册 治游狎 妓日 嚴客 詢 m 9 其語甚 識之。

妓女相晤 ,其密者輙用隱語相談。有所謂囘宗語者,聞出於囘敎。有所謂切

口 語者, 即出於反切 0 格磔鉤輈 ,坐客聞而 膛視 ,但覺嬰嚀可愛耳

書條也 院中備紙 其 去 也 燈 客去必畀以一 則 呼曰:『 燈籠!! 。客之至而命酒也,則高呼曰:『拿紙片來!』 故自昔有 :「得意 一聲 ,傷心二字」之謂

0

9

認識 板眼 倦 , 院中 m 0 「糟豆腐」 其犯規 因失禮 並 無目 呼客之無賴者曰客痞 i的者 而動怒者 **加認識者** , 或日 0 至則 日挑眼 r 「豆腐皮」。客之友日 日 或不見妓 「割靴 0 ,呼武侍衞之好生事者曰 妓見生客, 先視其鞋底 腰」。客有終日出入 · 但與儭夥 坐談 「同常」 忻 刺蝟 然而 妓家 ,辨其外來與否。 9 同幫之友可借條 去 9 9 暑雨祁 呼客之在行者日有 9 少選復 寒 至 9 呼南 不 而 0 其時 厭不 不可

有二人焉 9 日陳天亮 · 一 日 李 八 趟 ,諸妓家亦 不甚厭之。

恐

簡,竟奉嚴旨成欽案焉。而一子竟歸劉 爲劉所得,夜令崑崙奴盜以去。妓家控之官,劉亦有勢刀,陰助之,嗾言官登白 有春桂一子者,名妓也。樂亭富家子劉某眷之,太倉某相國子某亦與 暱

坊 曲

九九

庚子後 ,游客流品漸 雜,院中規制亦變用天津例

至,必擲銀 一圓,日 「盤子錢」

南妓昔不多見。戊戌前唯口袋底有一人曰素蘭,廣陵產也,頗預時名。貴游

命逐去。然庚子亂時,又復大張旗幟,爲南妓班頭。於是謝珊珊、凌桂蓀輩相踵 子弟趨之若鶩,厥後賽金花北來,寓刑部後某街,暗招游客,陸鳳石相國惡之,

而至,南强遂凌北勝矣。

曲所述也。 下駟曲院非士夫所可問津,俗所稱金魚池的婆娘,大致情形,略如陳大聲歌

8

**廢賣酒而日上盤** 

## 校讀後記

北平及郊區的市 公園 北平舊友聚談 却 很少做夢。不過年來北平已經數次入夢 校完 、飲食等等,覺得無一不美 「舊京瑣記」,前塵夢影,驀上心頭。我雖偶有失眠毛病 ,常常懷念古城的民情 政建設再現代化 , ,全中國找不到第二個比得上的 她將是世界上少數最好的城市 -風 俗、語言、文化、名勝 ,可見此城對我一生影響之大 、古蹟 Ż 城市 ,但是睡着了 ,足 0 如 ( ) 在 、學校 果能 稱 中國 台的 將

鳥掛在家裏客廳牆上) 我家 原籍南京 校 讀 後 **",從祖** 記 0 先父夏公仁虎,字蔚如。 母一代搬到北京 (祖父早逝,我們只見過他畫的四 兄弟五人,大、二兩房人留守

幅花

之光。

印象 南京 霞 H , <del>7</del>1. 玩 一最深 嬸 捻捻 老家 相 信 , 他們一 轉兒最需要 他們對屋 的 , = 件事 定都 Fî. 而 兩 , 很快 的 是每 居 房隨 東 , 樂 共 西 侍 年 有三 , 歲末從任 祖母到北 0 否 五 則 隻槍 叔 不 是 所回家 會 祖 京 0 在 我 母 。三伯父 最 過 小 足 時 過 祥 癮 候 歡 年 以後 做過 的 天天看 , 總帶 ム見 邢 , 以 見 巴 台 , 對 他 也 縣 我們 們 大 是 知 她 串 縣 賜 燈 的 銄 9 贈 他 如 熬 制 果 豆 烟 錢 使 鄶 技 我們 9 , 爲 嘯 酒 師 兄弟 樂 傲 是 0 烟 加 我 o

他 也 中 是 過 他 學 獨 親 力經 行 , 選 四 過 營的。北平政界 , 在學 威 會議 問 員 事業方面 (;但 、國學界稱 以在 都是兄弟中 清末的刑部、郵傳部 他 「蔚老」,一 傑出 的 \_\_ 位 般 0 、農工商 把南 社 會尊 京的 部 爲 ,及民 家 夏 大部分北 一個爺 初的 國 移 O

務院和財政部服務時間爲較長。

文集互贈 人才受敬 (這是中 那 带 國書籍的一 做官 0 重 這 , 因爲這才是出身的 的 種書古香古色,通常是木刻版 人 不 種特殊的裝訂形式 像今天分工 一之細 正 途」。以此 , 執業之專 ,在國際書籍問顯得很突出 ,磁青 . 宦海人士不廢吟詠 0 却 面 是書讀 ,白書簽, 得 1/2 絲 , 詩 線 ,應當使用 ,常常 裝 詞 文章 , 綾 出 包角 好的 版 現

何 仍 傳 故 以 印 把 材 , 今天 得 因 \_ 料 多 綑 爲 與 技術 的 那 9 没 時 鉛 綑 得 印 的 的 加 價 廣 書 作 以 改 售 版 者 0 好 没 不 爲 良 較 書 囘 認 而保存下 合於 家 不 爲 能 書 9 提 多流 就 是 倡 來 知 可 之道 傳 道 以賣 是 是 0 沒 父 的 0 \_\_ 有 從 件 親 9 前 \_\_ 定價 口 的 文人 惜 書 賣 的 出 便 , 也不 賣 事 版 俗 字 3 0 9 畫 對 小 送書店代售 0 文章 但 時 於 發揚 是這 候 常常 9 獨 文 樣 化 的 不 看 9 售 鰡 或 亦 見 書 有 書 印 自 刷 廣 未 , 不 足 然 廠 告 官 不 的 知 0

像 是 沒 是 售 京 把 有 我 瑣記」 於三十 老 標 點 酒 装 對 七年 在 讀 是 來 新 者 ·底携 台後 瓶 極 埋 不 家 方 複 9 但 便 飛 印 却 自 離 0 北 無 因 中 央 平 損 此 研 於 , 行 原 純 究 院 色 有 文 學 藏 匆 淳 匆 厚 <u>\_\_</u> 本 風 社 , 9 除隨 味 决 本 定 來 , 身 反 影 加 便 標 印 衣 於 點 出 物 外 飲 版 改 排 旣 什 者 鉛 省 麼 0 字 錢 都 後 又 沒 省 帶 出 版 事 出 來 0 , 這 但 0

文言 好 白話 白話 加 標 文 點 , 只 的 的 要 X I 寫 作 , 得 但 9 林 好 是 對 文 9 就 於 月 會 本 女 土 有 書 讀 的 , 省 琅 林 0 琅 良 近年 和 1 柯 有 的 劍 優美 星 人反對白話 网 文 先 言 生 却 幫忙 文 讀 很 , 得 却 很 多 文寫不 高 0 興 他 們 0 出好 可 平 知 日 文言 無 都 論 是

校讀後記

20

,也是一件可悲的事情。標點於匆忙中爲之,如有未治之處,當於再版中訂

正 0 原 書中錯字亦經訂正。有的字目下已有異解,當時 或為 通用 , 則 仍其 舊 中

足資研究當時民俗儀制者的參考。「發凡」中說「他日復有所隱,或更爲 父親一生博學多聞 「薦紳 本 書 **羞言,是曰瑣記」,當是謙詞** 發凡」中說 ,加以文筆雅健,寫筆記體文章最合理想。所記旣翔實可 ,所記多爲 「里巷俳談,爲茶餘酒後遣悶之助」 ,意指筆記爲小道 ,不登大雅之堂 續記 o引言 o其實 靠 0 ,

舊京歷數百年爲帝王都,人文薈萃,多彩多姿,自本書可見一 班。爲紀念先

,重印「舊京瑣記」,也是表示對這個古都的不能忘懷

但是後來出版詩詞文集

, 傳奇、方志、通典等數十種 , 續記竟未着手,殊爲可

凡 五十九年五月十一日

0

## 純文學出版社已出版叢書目錄(-)

書名	作	者	平裝	精裝
• 近代中國作家與作品 蘇雪林 張秀	秀亞 🌣	梅音	14元	24元
• 孟珠的旅程(小說)	林淮	事 音	14元	24元
• 海那邊(小說)	吉	錚	14元	24元
◆ 砂丘之女(日本小説)	鍾 肇	政 譯	14元	24元
• 愛莎岡的女孩 (小說)	黄	娟	14元	24元
• 我底記憶(近代中國作家與作品第二	(集)		14元	24元
• 阿貝桑傑士 (西班牙小說)	王安	博譯	14元	24元
• 改變歷史的書	彭哥	大譯	24元	35元
<ul><li>中國文學在日本</li></ul>	鄭清	茂	24元	35元
◆學生老師(小說)	楊安	き 祥	20元	30元
• 薇薇的週記 (廣播劇本)	林 浩	音	18元	28元
• 克勞黛(美國小說)	胡り	月 譯	14元	24元
• 知識的水庫	彭	歌	20元	30元
• 夏流(日本得獎小說集)	朱佩	荫 譯	20元	30元
• 遙遠的海(西班牙、中文對照詩集)	王安	博譯	20元	30元
• 雪山之旅(遊記)	蔣鍾瑪	秀遺著	20元	30元
• 文學史上的大騙子	張劍	鳴譯	20元	30元
<ul><li>城南舊事(短篇小說集)</li></ul>	林港	音	20元	30元
• 權力的滋味(長篇小說)	彭哥	次 譯	24元	35元
• 迦陵談詞	葉系	紧 瑩	20元	30元
• 先知(哲理散文詩)	王季	慶譯	20元	30元
• 少爺(日本夏目漱石小說)	金仲	達譯	20元	30元
• 曉雲(長篇小說)	林	音	20元	30元
• 滾滾遼河(長篇小說)	紦	MI	35元	45元

## 純文學出版社已出版叢書目錄(二)

書 名		作		者	平裝	精裝
• 二姊的家信 (美國社會與生活)		朱	梅	先	20元	30元
• 舊京瑣記(掌故)		枝	巢	子	20元	30元
・愛情・社會・小説 (文藝評論)		夏	志	清	24元	35元
• 和亞丁談法國詩		程	抱		20元	30元
• 地(短篇小說集)		張	系	或	20元	30元
• 包可華專欄(第一集)		何	凡	譯	20元	30元
• 包可華專欄(第二集)		何	凡	譚	20元	30元
• 小小說的寫作與欣賞		丁	樹南	譯	15元	25元
• 京都一年(遊記)		林	文	月	20元	30元
• 柳樹塘(長篇小說)		楊	安	祥	20元	30元
•裸猿(人類知識)		李	廉屬	譯	20元	30元
• 五風集(「玻璃墊上」專欄)		何		凡	20元	30元
• 十雨集(「玻璃墊上」專欄)		何		凡	20元	30元
• 磊磊集(「玻璃墊上」專欄)		何		凡	20元	30元
• 蕃落集(「玻璃墊上」專欄)		何		凡	20元	30元
• 愛的故事(長篇小說)		黄	9	譯	20元	30元
• 一個美的故事(長篇小說)		陳	紹鵬	譯	35元	50元
• 改變美國的書		彭	歌	譯	30元	45元
• 中國豆腐		林	海音	編	24元	35元
• 春風		林	海	音	20元	30元
• 和亞丁談里爾克		程	抱		20元	عَرْ30
•波士頓紅豆(中、短篇小說集)		楊	安	祥	24元	35元
・窗(小晶文集)	何	凡	林浴	音	24元	35元

文學叢書 28 定價:平裝20元 京

瑣

記

精裝30元

發出作 總 印 行版 經 刷 所者者 銷 者 村市重慶南路三段廿七巷五號台北市重慶南路三段廿七巷十二號台北市大理街四十二巷十二號台北市大理街四十二巷二號台北市大理街四十二巷二號台北市大理街四十二巷二號台北市大理街四十二巷二號台北市大理街四十二巷二號台北市大理街四十二巷二號台北市大理街四十二巷

如發現本書有破損或裝訂錯誤者

內政部登記證:內版台業字第一五七一號

中華民國五十九年五月初版

中華民國六十一年一月再版

